

III. OUTRAS DISPOSICIÓNS

CONSELLERÍA DO MEDIO RURAL

ORDE do 29 de xaneiro de 2016 pola que se regula a aplicación dos pagamentos directos á agricultura e á gandaría e das axudas ao desenvolvemento rural suxeitas ao Sistema integrado de xestión e control.

I

No marco do Regulamento (UE) nº 1307/2013 do Parlamento Europeo e do Consello, do 17 de decembro de 2013, polo que se establecen normas aplicables aos pagamentos directos aos agricultores en virtude dos réximes de axuda incluídos no marco da política agrícola común e polo que se derrogan os Regulamentos (CE) nº 637/2008 e (CE) nº 73/2009, do Consello, publicáronse o Real decreto 1075/2014, do 19 de decembro, sobre a aplicación a partir de 2015 dos pagamentos directos á agricultura e á gandaría e outros réximes de axuda, así como sobre a xestión e control dos pagamentos directos e dos pagamentos ao desenvolvemento rural, e o Real decreto 1076/2014, do 19 de decembro, sobre asignación de dereitos de réxime de pago básico da política agrícola común, que establecen a normativa básica aplicable a partir do ano 2015.

II

O Regulamento (UE) nº 1306/2013 do Parlamento Europeo e do Consello, do 17 de decembro de 2013, sobre o financiamento, xestión e seguimento da política agrícola común, polo que se derrogan os regulamentos (CE) nº 352/78, (CE) nº 165/94, (CE) nº 2799/98, (CE) nº 814/2000, (CE) nº 1290/2005 e (CE) nº 485/2008 do Consello, no seu título V regula o Sistema integrado de xestión e control indicando que se aplicará tanto aos réximes de pagamentos directos regulados polo Regulamento (UE) nº 1307/2013 do Parlamento Europeo e do Consello, do 17 de decembro, como a determinadas axudas ao desenvolvemento rural concedidas de acordo co Regulamento (UE) nº 1305/2013 do Parlamento Europeo e do Consello, do 17 de decembro de 2013, relativo á axuda ao desenvolvemento rural a través do Fondo Europeo Agrícola de Desenvolvemento Rural (Feader) e polo que se derroga o Regulamento (CE) nº 1698/2005 do Consello. Polo tanto, as normas que se establezan en relación co devandito sistema integrado afectarán tanto os pagamentos directos como as axudas de desenvolvemento rural que se deban controlar conforme este.

Por iso, débese establecer un sistema que permita a identificación única dos produtores que presenten solicitudes para os diferentes réximes de axuda, así como a identificación das parcelas agrícolas utilizando as técnicas do Sistema de información xeográfica de parcelas agrícolas (en diante Sixpac). Para iso o Real decreto 1075/2014, do 19 de decembro,



establece, no seu Título VI, a solicitude única anual de axudas como medio para que o beneficiario poida presentar a súa solicitude para todos os réximes de pagamentos directos que considere, así como para as axudas ao desenvolvemento rural financiadas con cargo ao Feader establecidas no ámbito do Sistema integrado de xestión e control.

III

En España, o Sistema de identificación de parcelas agrícolas é o Sixpac. O Real decreto 1077/2014, do 19 de decembro, polo que se regula o sistema de información xeográfica de parcelas agrícolas, establece as normas de aplicación en España do Sixpac e a súa utilización como instrumento de xestión no marco do Sistema integrado de xestión e control e resto de réximes de axuda relacionados coa superficie da política agrícola común (PAC).

IV

O Regulamento (UE) nº 1306/2013 do Parlamento Europeo e do Consello, do 17 de decembro, establece, entre outras, as normas da condicionalidade.

O Regulamento (UE) nº 1310/2013 do Parlamento Europeo e do Consello, do 17 de decembro de 2013, que establece disposicións transitorias relativas á axuda ao desenvolvemento rural a través do Fondo Europeo Agrícola de Desenvolvemento Rural (Feader), modifica o Regulamento (UE) nº 1305/2013 do Parlamento Europeo e do Consello, no que incumbe aos recursos e a súa distribución no exercicio de 2014 e modifica o Regulamento (CE) nº 73/2009 do Consello, e os regulamentos (UE) nº 1307/2013, (UE) nº 1306/2013 e (UE) nº 1308/2013 do Parlamento Europeo e do Consello, no que respecta á súa aplicación no exercicio de 2014, establece que a partir do 1 de xaneiro de 2015 deben aplicarse as disposicións sobre a condicionalidade establecidas no Regulamento (UE) nº 1306/2013, do 17 de decembro.

O Real decreto 1078/2014, do 19 de decembro, polo que se establecen as normas da condicionalidade que deben cumprir os beneficiarios que reciban pagamentos directos, determinadas primas anuais de desenvolvemento rural, ou pagamentos en virtude de determinados programas de apoio ao sector vitivinícola, determina as normas da condicionalidade que deberán cumprir os beneficiarios de axudas suxeitas a esta.

V

Segundo os últimos datos publicados da Enquisa gandeira elaborada pola Subdirección Xeral de Estatística do Ministerio de Agricultura, Alimentación e Medio Ambiente, o



censo de ovino da Comunidade Autónoma de Galicia respecto ao censo nacional é inferior ao 2 %. Polo tanto, de acordo coa posibilidade establecida no artigo 71.3 do Real decreto 1075/2014, do 19 de decembro, na Comunidade Autónoma de Galicia poderán ser beneficiarios da axuda asociada para as explotacións de ovino os titulares de explotacións cun censo de femias elixibles igual ou superior a 10.

VI

O Programa de desenvolvemento rural (PDR) de Galicia 2014-2020 foi aprobado pola Comisión Europea o pasado 18 de novembro de 2015. De acordo co exposto anteriormente, a solicitude única que se regula nesta orde abrangue ademais dos pagamentos directos, as solicitudes de pagamento das axudas de desenvolvemento rural establecidas no ámbito do Sistema integrado de xestión e control. No caso de Galicia en 2016 esas axudas son: a prima anual de mantemento asociada ás axudas de primeira forestación de terras non agrícolas e ás axudas para o fomento das frondosas caducifolias (compromisos vixentes do período 2007-2013), os pagamentos a zonas con limitacións naturais, as axudas de agroambiente e clima e as da agricultura ecolóxica.

VII

A Lei 9/2007, do 13 de xuño, de subvencións de Galicia establece no seu artigo 10, relativo aos requisitos para obter a condición de beneficiario, no número 2.e) que non poderán obter a dita condición, salvo que pola natureza da subvención se exceptúe pola súa normativa reguladora, entre outros, os que non estean ao día no cumprimento das obrigas tributarias ou fronte á Seguridade Social ou teñan pendente de pagamento algunha débeda coa Administración pública da Comunidade Autónoma, nos termos en que regulamentariamente se determinen.

Por outra banda, de acordo co previsto no artigo 11 do Decreto 11/2009, do 8 de xaneiro, polo que se aproba o Regulamento da Lei de subvencións de Galicia, a Lei 12/2015, do 24 de decembro, de orzamentos xerais da Comunidade Autónoma de Galicia para o ano 2016, establece no artigo 51 a posibilidade de que os beneficiarios de axudas que se concedan con carácter compensatorio ou indemnizatorio poidan substituír por unha declaración responsable do solicitante a obriga de presentar a certificación acreditativa do cumprimento das obrigas tributarias, coa Seguridade Social e de non ter pendente de pagamento débedas coa Administración pública da Comunidade Autónoma.

Os pagamentos directos á agricultura e á gandería previstos no título II tiveron e teñen o carácter de pagamentos compensatorios. Os pagamentos directos derivan da reforma



da PAC do ano 1992, en relación coas organizacións comúns de mercado de produtos agrícolas que, co obxectivo de aproximar os prezos comunitarios aos do mercado mundial e compensar as perdas de ingresos causadas pola redución dos prezos institucionais, estableceu un pagamento compensatorio para os agricultores en cada sector. Así, no caso dos cultivos herbáceos estableceuse mediante o Regulamento (CEE) nº 1765/1992 do Consello, do 30 de xuño, polo que se establece un réxime de apoio aos produtores de determinados cultivos herbáceos, e no da carne de vacún mediante o Regulamento (CEE) nº 2066/1992 do Consello, do 30 de xuño, que modifica o Regulamento (CEE) nº 805/1968 do Consello, do 27 de xuño, polo que establece a organización común de mercados no sector da carne de bovino.

Unha parte importante destas axudas, con base en criterios históricos por percepción de importes compensatorios por estes conceptos en campañas de referencia, integrouse en 2006 no pagamento único por explotación, manténdose unha pequena porcentaxe asociada á actividade produtiva.

Coa nova reforma da PAC os dereitos de pagamento único desaparecen e son substituídos en 2015 polos dereitos de pagamento básico e por outras axudas disociadas da produción. Entre estas últimas cabe destacar o denominado pagamento verde a que se destinará o 30 % do orzamento de pagamentos directos e que está vinculado ao cumprimento por parte dos agricultores, de prácticas agrícolas sustentables, beneficiosas para a calidade dos solos, a biodiversidade e o ambiente en xeral. O mesmo que na reforma anterior mantense unha pequena porcentaxe de axudas asociadas. Os pagamentos directos seguirán estando suxeitos á condicionalidade.

En definitiva, os pagamentos directos permiten estabilizar a renda dos agricultores e compensalos pola prestación de servizos públicos de valor incalculable: protección do ambiente, benestar dos animais, alimentos seguros e de calidade, etc. Estes servizos públicos son aínda máis importantes se se ten en conta que as normas europeas están entre as máis estritas do mundo. Isto encarece a produción de alimentos en Europa con respecto á doutros países que impoñen normas menos rigorosas. Sen os pagamentos directos, os agricultores europeos non poderían competir cos doutros países e á vez atender as exixencias específicas dos consumidores de Europa.

Doutra banda, os pagamentos a zonas con limitacións naturais e as axudas de agroambiente e clima e de agricultura ecolóxica previstas no título III teñen o carácter de pagamentos compensatorios, ben pola zona en que exercen a actividade os agricultores ou ben polos custos adicionais e as perdas de ingresos derivados dos compromisos asumidos



polo agricultor en relación co sistema de produción agrícola ou gandeiro adoptado para a mellora do ambiente e do ámbito natural.

Polo tanto, os pagamentos directos á agricultura e á gandería, os pagamentos a zonas con limitacións naturais e as axudas de agroambiente e clima e de agricultura ecolóxica reguladas por esta orde deben considerarse incluídas no artigo 51.d) da Lei 12/2015, do 24 de decembro, de orzamentos xerais da Comunidade Autónoma de Galicia para o ano 2016, e os beneficiarios non terán a obriga de achegar os xustificantes de estar ao día no cumprimento das obrigas tributarias ou fronte á Seguridade Social ou de non ter pendente de pagamento ningunha débeda coa Administración pública da Comunidade Autónoma, que será substituída pola declaración responsable do solicitante de estar ao día no cumprimento das obrigas tributarias ou fronte á Seguridade Social, así como de non ter pendente de pagamento ningunha outra débeda coa Administración pública da Comunidade Autónoma.

En consecuencia, en conformidade co previsto no artigo 30.1º.3 do Estatuto de autonomía de Galicia, no uso das facultades que me confiren a Lei 9/2007, do 13 de xuño, de subvencións de Galicia, e a Lei 1/1983, do 22 de febreiro, reguladora da Xunta e da súa Presidencia,

RESOLVO:

TÍTULO PRELIMINAR
Disposicións xerais

CAPÍTULO I
Obxecto e definicións

Artigo 1. *Obxecto e ámbito*

1. Esta orde ten por obxecto regular e convocar na Comunidade Autónoma de Galicia no ano 2016 os pagamentos directos á agricultura e á gandería, así como as axudas ao desenvolvemento rural suxeitas ao Sistema integrado de xestión e control.

2. Así mesmo, ten por obxecto aplicar na Comunidade Autónoma de Galicia o Sistema integrado de xestión e control de determinados réximes de axudas comunitarios, incluída a solicitude única de axudas, de acordo co previsto no Regulamento (UE) nº 1306/2013, do Parlamento e o Consello, do 17 de decembro de 2013, sobre o financiamento, xestión e seguimento da política agrícola común, polo que se derrogan os regulamentos



(CE) nº 352/78, (CE) nº 165/94, (CE) nº 2799/98, (CE) nº 814/2000, (CE) nº 1290/2005 e (CE) nº 485/2008 do Consello.

Artigo 2. *Liñas de axuda*

1. As liñas de axuda están integradas polos pagamentos directos á agricultura e á gandaría, en concreto, os seguintes réximes de axuda comunitarios establecidos no Regulamento (UE) nº 1307/2013 do Parlamento Europeo e do Consello, do 17 de decembro de 2013, e no Real decreto 1075/2014, do 19 de decembro, sobre a aplicación a partir de 2015 dos pagamentos directos á agricultura e á gandaría e outros réximes de axuda, así como sobre a xestión e control dos pagamentos directos e dos pagamentos ao desenvolvemento rural:

- a) Un pagamento básico aos agricultores («réxime de pagamento básico»).
- b) Un pagamento para os agricultores que apliquen prácticas agrícolas beneficiosas para o clima e o ambiente.
- c) Un pagamento suplementario para os agricultores mozos que comece a súa actividade agrícola.
- d) Un réxime de axuda asociada:
 - 1ª. Axuda asociada aos cultivos proteicos.
 - 2ª. Axuda asociada aos legumes de calidade.
 - 3ª. Axuda asociada para as explotacións que manteñan vacas nutrices.
 - 4ª. Axuda asociada para as explotacións de vacún de ceba.
 - 5ª. Axuda asociada para as explotacións de vacún de leite.
 - 6ª. Axuda asociada para as explotacións de ovino.
 - 7ª. Axuda asociada para as explotacións de cabrún.
 - 8ª. Axudas asociadas para os gandeiros de vacún de leite, vacún de ceba e de ovino e cabrún que mantiveron dereitos especiais en 2014 e non dispoñen de hectáreas admisibles para a activación de dereitos de pagamento básico.



9ª. Tamén poderá solicitarse calquera outra axuda asociada regulada no título IV do Real decreto 1075/2014, do 19 de decembro.

e) Un réxime simplificado para os pequenos agricultores.

Todas as axudas citadas anteriormente son financiadas integramente polo Fondo Europeo Agrícola de Garantía (Feaga).

2. Tamén se inclúen as solicitudes de pagamento das medidas de desenvolvemento rural suxeitas ao Sistema integrado de xestión e control, que na Comunidade Autónoma de Galicia son:

a) Prima anual de mantemento asociada ás axudas de primeira forestación de terras non agrícolas e ás axudas para o fomento das frondosas caducifolias.

b) Pagamentos a zonas con limitacións naturais.

c) Agroambiente e clima.

d) Agricultura ecolóxica.

Nas axudas incluídas neste punto, o Fondo Europeo Agrícola de Desenvolvemento Rural (Feader) contribuirá cunha participación do 75 % ao seu cofinanciamento.

Artigo 3. *Definicións*

1. Ademais das definicións establecidas na normativa comunitaria e estatal de aplicación e en concreto, no Real decreto 1075/2014, do 19 de decembro, no Real decreto 1076/2014, do 19 de decembro, no Real decreto 1077/2014, do 19 de decembro, e no Real decreto 1078/2014, do 19 de decembro, será de aplicación á presente orde a seguinte:

a) «Razas bovinas de aptitude eminentemente leiteira»: consideraranse como tales as relacionadas no anexo II. Tamén terá esa condición o conxunto mestizo dunha explotación bovina inscrita no Rexistro Xeral de Explotacións Gandeiras (Rega) cunha clasificación zootécnica de «reproducción para a produción de leite».



2. Para os efectos das axudas de desenvolvemento rural reguladas nesta orde tamén serán aplicables as seguintes definicións:

a) «Agricultor a título principal»: o agricultor profesional que obteña, polo menos, o 50 por cento da súa renda da actividade agraria exercida na súa explotación e cuxo tempo de traballo dedicado a actividades non relacionadas coa explotación sexa inferior á metade do seu tempo de traballo total.

b) «Agricultor profesional»: a persoa física que sendo titular dunha explotación agraria obteña polo menos o 50 por cento da súa renda total de actividades agrarias ou outras actividades complementarias, a condición de que a parte de renda procedente directamente da actividade agraria non sexa inferior ao 25 por cento da súa renda total e o volume de emprego agrario dedicado a actividades agrarias ou complementarias sexa igual ou superior á metade dunha unidade de traballo.

c) «Explotacións agrarias prioritarias»: as explotacións agrarias familiares e as asociativas que estean cualificadas como prioritarias, conforme a Lei 19/1995, do 4 de xullo, de modernización de explotacións agrarias.

d) «Carga gandeira»: a relación entre o número de unidades de gando maior (UGM) de bovino, ovino, cabrún e equino e as hectáreas de superficie forraxeira da explotación, incluídas as de aproveitamento comunal a que teña dereito. As UGM calcúranse como unha media a partir dos censos gandeiros das especies antes indicadas, presentes na explotación en seis datas do ano de solicitude. No caso de existir un control sobre o terreo farase unha contaxe de animais para verificar a súa coherencia cos censos empregados para o cálculo do valor medio.

e) «Unidade de gando maior (UGM)»: a conversión das diferentes categorías de animais segundo o indicado no anexo II do Regulamento (UE) nº 808/2014 da Comisión, do 17 de xullo de 2014, é dicir:

1ª. Touros, vacas e outros animais da especie bovina de máis de dous anos, e équidos de máis de seis meses 1,0 UGM.

2ª. Animais da especie bovina de seis meses a dous anos 0,6 UGM.

3ª. Animais da especie bovina de menos de seis meses 0,4 UGM.

4ª. Ovinos e cabrúns 0,15 UGM.



5ª. Porcas de cría > 50 kg 0,5 UGM.

6ª. Outros porcos 0,3 UGM.

7ª. Galiñas poñedoras 0,014 UGM.

8ª. Outras aves de curral 0,03 UGM.

f) «Superficie forraxeira»: a superficie agraria útil da explotación dedicada a pastos ou a cultivos destinados á produción de forraxe para a alimentación animal, incluídas as superficies utilizadas en común e as que estean dedicadas a un cultivo mixto, dispoñible durante todo o ano natural para a cría de bovinos, ovinos, cabrúns ou equinos.

g) «Superficie agraria útil»: a superficie dedicada a terras de cultivo, pastos permanentes ou cultivos permanentes.

Artigo 4. *Consentimentos e autorizacións*

1. A tramitación dos procedementos regulados nesta orde require a incorporación de datos en poder das administracións públicas, consellos reguladores, marcas de calidade, organismos de control, entidades asociativas ou entidades de aconsellamento. Polo tanto, os modelos de solicitude incluírán autorizacións expresas ao órgano xestor para realizar as comprobacións oportunas que acrediten a veracidade dos datos. En caso de que non se autorice o órgano xestor para realizar esta operación, deberán achegar os documentos comprobantes dos datos, nos termos exixidos polas normas reguladoras do procedemento.

2. As solicitudes das persoas interesadas deberán achegar os documentos ou informacións previstos nesta norma, salvo que estes xa estivesen en poder da Administración xeral e do sector público autonómico de Galicia; neste caso, as persoas interesadas poderán acollerse ao establecido non artigo 35.f) da Lei 30/1992, do 26 de novembro, de réxime xurídico das administracións públicas e do procedemento administrativo común, sempre que se faga constar a data e o órgano ou a dependencia en que foron presentados ou, se é o caso, emitidos, e cando non transcorresen máis de cinco anos dende a finalización do procedemento a que correspondan.

Nos supostos de imposibilidade material de obter o documento, o órgano competente poderá requirirle á persoa solicitante ou representante a súa presentación, ou, no seu defecto, a acreditación por outros medios dos requisitos a que se refire o documento, con anterioridade á formulación da proposta de resolución.



3. A presentación da solicitude de pagamento da «Prima anual de mantemento asociada ás axudas de primeira forestación de terras non agrícolas e ás axudas para o fomento das frondosas caducifolias» pola persoa interesada ou representante comportará a autorización ao órgano xestor para solicitar as certificacións que deban emitir a Axencia Estatal da Administración Tributaria, a Tesouraría Xeral da Seguridade Social e a consellería competente en materia de facenda da Xunta de Galicia segundo o establecido no artigo 20.3 da Lei 9/2007, do 13 de xuño, de subvencións de Galicia. Non obstante, a persoa solicitante ou representante poderá denegar expresamente o consentimento, caso en que deberá presentar as certificacións nos termos previstos regulamentariamente. Entenderase dene-gación expresa no caso de que na solicitude única non estea marcado o recadro de dar o consentimento para a consulta de datos de estar ao día coa AEAT e coa TXSS.

4. Coa solicitude da «Prima anual de mantemento asociada ás axudas de primeira forestación de terras non agrícolas e ás axudas para o fomento das frondosas caducifolias» presentárase declaración responsable de se perciben ou non outras axudas públicas ou privadas para a mesma finalidade.

5. De conformidade co artigo 13.4 da Lei 4/2006, do 30 de xuño, de transparencia e de boas prácticas na Administración pública galega, e co previsto no Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006, a consellería publicará na súa páxina web oficial a relación das persoas beneficiarias e o importe das axudas concedidas. Incluirá, igualmente, as referidas axudas e as sancións que, como consecuencia delas, poidan impoñerse nos correspondentes rexistros públicos, polo que a presentación da solicitude leva implícita a autorización para o tratamento necesario dos datos das persoas beneficiarias e a referida publicidade.

6. Así mesmo, no marco do indicado no artigo 5 seguinte, coa presentación das solicitudes as persoas interesadas autorizan a que os datos recollidos nestas sexan incluídos noutros ficheiros informatizados para o seu tratamento coa finalidade de que sexan empregados pola Xunta de Galicia e/ou polo Fogga no ámbito das súas competencias.

Artigo 5. *Datos de carácter persoal*

De conformidade coa Lei orgánica 15/1999, do 13 decembro, de protección de datos de carácter persoal, os datos persoais recollidos na tramitación desta disposición, cuxo tratamento e publicación autoricen as persoas interesadas mediante a presentación das solicitudes, serán incluídos nun ficheiro denominado «Relacións administrativas coa cidadanía e



entidades» cuxo obxecto é xestionar o presente procedemento, así como para informar as persoas interesadas sobre o seu desenvolvemento. O órgano responsable deste ficheiro é a Secretaría do Fondo Galego de Garantía Agraria. Os dereitos de acceso, rectificación, cancelación e oposición poderanse exercer ante a Secretaría do Fondo Galego de Garantía Agraria (Fogga), mediante o envío dunha comunicación ao seguinte enderezo: Rúa dos Irmandiños, s/n, Salgueiriños, 15781 Santiago de Compostela ou a través dun correo electrónico a dereitosarco.fogga@xunta.es.

CAPÍTULO II

Agricultor activo e actividade agraria

Artigo 6. *Ámbito*

Os pagamentos directos indicados no título II e as axudas de desenvolvemento rural recollidas no capítulo III e na sección 3ª do capítulo IV do título III desta orde, só se concederán a aqueles solicitantes que cumpran os requisitos de agricultor activo e actividade agraria. O requisito da actividade agraria tamén será exixible aos solicitantes das axudas de agroambiente e clima recollidas na sección 2ª do capítulo IV do título III.

Artigo 7. *Aplicación e verificación*

1. A aplicación e verificación da figura de agricultor activo e da actividade agraria sobre as superficies da explotación realizarase segundo o establecido respectivamente nos capítulos I e II, do título II do Real decreto 1075/2014, do 19 de decembro.

2. Para os efectos de verificar o cumprimento dos criterios de agricultor activo, as persoas físicas que non outorguen a autorización para recadar da Axencia Estatal de Administración Tributaria a información fiscal necesaria, deberán declarar na súa solicitude única o total de ingresos agrarios percibidos no período impositivo dispoñible máis recente e achegar a documentación xustificativa (declaración do IRPF e, se é o caso, certificación dos rendementos do traballo) correspondente.

Cando o solicitante sexa unha persoa xurídica ou un grupo de persoas físicas ou xurídicas, sempre deberá declarar na súa solicitude única o total de ingresos agrarios percibidos no período impositivo máis recente. O órgano xestor despois de verificar os datos declarados solicitará, se o considera necesario, a documentación xustificativa dos ingresos declarados.



Unha vez realizadas estas comprobacións, se o solicitante non conta con ingresos agrarios distintos dos pagamentos directos do 20 % ou máis dos seus ingresos agrarios totais, poderá ser considerado agricultor activo, pero será considerado como unha situación de risco para os efectos de control conforme o indicado no artigo 12.3 do Real decreto 1075/2014, do 19 de decembro. Non obstante, no caso de quen se incorpore por primeira vez á actividade agraria, este requisito deberá ser acreditado como máis tarde no segundo período impositivo seguinte ao da solicitude. O requisito poderá ser acreditado con posterioridade en circunstancias debidamente xustificadas motivadas polo período de entrada en produción de determinados cultivos.

3. En canto á actividade agraria, naqueles recintos en que se declare unha actividade de mantemento de entre as recollidas no anexo IV do Real decreto 1075/2014, do 19 de decembro, a dita actividade realizarase anualmente e deberase conservar, se é o caso, á disposición do Fogga toda a documentación xustificativa dos gastos e pagamentos incorridos na súa realización.

TÍTULO I

Sistema integrado de xestión e control (SIXC)

Artigo 8. *Ámbito de aplicación do SIXC*

O SIXC aplicarase aos réximes de axuda enumerados no anexo I do Regulamento (UE) nº 1307/2013 do Parlamento Europeo e do Consello, do 17 de decembro, e á axuda concedida de acordo co artigo 21.1.a) e 21.1.b), os artigos 28 a 31, 33, 34 e 40 do Regulamento (UE) nº 1305/2013 do Parlamento Europeo e do Consello, do 17 de decembro, e, cando cumpra, o artigo 35.1.b) e 35.1.c), do Regulamento (UE) nº 1303/2013 do Parlamento Europeo e do Consello, do 17 de decembro.

Con todo, non se aplicará ás medidas establecidas no artigo 28, número 9, do Regulamento (UE) nº 1305/2013 do Parlamento Europeo e do Consello, do 17 de decembro, nin ás medidas previstas no artigo 21.1.a) e 21.1.b), do devandito regulamento no que respecta aos custos de implantación.

O Sistema integrado tamén se aplicará, na medida necesaria, ao control da condicionalidade.

CAPÍTULO I

Solicitude única

Artigo 9. *Solicitude única (procedemento MR250A)*

1. As persoas que desexen obter algún dos pagamentos directos ou das axudas de desenvolvemento rural citadas no artigo 2 deberán presentar unha solicitude única.



2. Para aqueles beneficiarios que estean incluídos no réxime simplificado para os pequenos agricultores, a solicitude única consistirá unicamente na presentación dunha confirmación do seu acordo de seguir pertencendo ao dito réxime para cobrar a anualidade correspondente xunto coa información mínima para cada parcela que se establece no anexo VII do Real decreto 1075/2014, do 19 de decembro. Estes beneficiarios durante o prazo de presentación da solicitude única que se establece no artigo seguinte, poderán presentar a renuncia ao seu mantemento neste réxime.

3. Para os efectos dos controis da condicionalidade, tamén deberán presentar unha solicitude única os beneficiarios que recibisen pagamentos á colleita en verde en 2015, da prima ao arrinque en 2013 ou 2014 ou á reestruturación e reconversión do viñedo nos anos 2013, 2014 ou 2015. Estes beneficiarios presentarán unha solicitude única en que declaren todas as parcelas da súa explotación aínda que non soliciten ningún dos pagamentos directos ou axudas de desenvolvemento rural indicados no artigo 2 desta orde.

Artigo 10. *Lugar e prazo de presentación da solicitude única*

1. A solicitude única presentárase na Comunidade Autónoma de Galicia dirixida á persoa titular da Dirección do Fogga, cando a explotación estea situada completamente neste territorio ou se, estando situada en máis dunha comunidade autónoma, se encontra na Comunidade Autónoma de Galicia a maior parte da súa superficie agraria ou o maior número de animais no caso de non dispoñer de superficie.

2. A presentación da solicitude única realizarase unicamente por medios electrónicos a través do formulario electrónico normalizado accesible desde a sede electrónica da Xunta de Galicia, <https://sede.xunta.es>, de conformidade co establecido nos artigos 27.6 da Lei 11/2007, do 22 de xuño, de acceso electrónico dos cidadáns aos servizos públicos, e 24.2 do Decreto 198/2010, do 2 de decembro, polo que se regula o desenvolvemento da Administración electrónica na Xunta de Galicia e nas entidades dela dependentes. Os solicitantes poderán optar por:

a) Realizar persoalmente a súa solicitude, para o que precisan dispoñer dun certificado dixital con vixencia.

b) Realizar a solicitude a través das entidades colaboradoras asinantes dun convenio para tal efecto co Fogga.



3. O prazo de presentación da solicitude única, para o ano 2016, iníciarase o 1 de febreiro e finalizará o día 30 de abril, ambos incluídos.

4. Non obstante o disposto no parágrafo anterior, admitiranse solicitudes de axudas ata 25 días naturais seguintes á data de finalización do prazo establecido. Nese caso, e fóra dos casos de forza maior e circunstancias excepcionais, os importes reduciranse un 1 por cento por cada día hábil en que se exceda a dita data. A redución mencionada neste parágrafo tamén será aplicable respecto da presentación de contratos ou declaracións e outros documentos ou xustificantes que sexan elementos constitutivos da admisibilidade da axuda de que se trate, segundo o previsto na normativa comunitaria. No ano en que se asignen dereitos de pagamento básico, esa redución será dun 3 por cento por cada día hábil en que se exceda a dita data para ese réxime de axudas. Se o atraso é superior a 25 días naturais, a solicitude considerarase inadmisíble.

Artigo 11. *Contido da solicitude única*

1. O contido da solicitude única será o que se indica no artigo 92 do Real decreto 1075/2014, do 19 de decembro. Ademais, a solicitude irá acompañada da documentación adicional que se indica no punto V do anexo VII do Real decreto 1075/2014, do 19 de decembro, agás cando o órgano competente en función da axuda xa teña acceso a ela, e da documentación que para esta solicitude se indica nas partes A e B do anexo I desta orde.

2. Esta documentación complementaria presentarase electronicamente empregando calquera procedemento de copia dixitalizada do documento orixinal. Neste caso, as copias dixitalizadas presentadas garantirán a fidelidade co orixinal baixo a responsabilidade da persoa solicitante ou representante. A Administración poderá requirir a exhibición do documento orixinal para o cotexo da copia electrónica presentada segundo o disposto nos artigos 35.2 da Lei 11/2007, do 22 de xuño, de acceso electrónico dos cidadáns aos servizos públicos, e 22.3 do Decreto 198/2010, do 2 de decembro, polo que se regula o desenvolvemento da Administración electrónica na Xunta de Galicia e nas entidades dela dependentes.

3. Na solicitude única declararanse todas as parcelas agrícolas que conforman a superficie agraria da explotación e que estean á disposición do seu titular. En cada parcela agrícola declararase o cultivo ou aproveitamento que cumpra o indicado no artigo 33 para o período principal de cultivo.



No caso das terras de cultivo, se procede, poderase declarar máis dun produto por campaña e parcela indicando sempre como principal o que cumpra o indicado no parágrafo anterior que será o que se utilice para a medida de diversificación establecida no artigo 20 do Real decreto 1075/2014, do 19 de decembro.

No caso de declarar que o recinto é obxecto dun labor de mantemento anual indicárase un dos recollidos na lista establecida no anexo IV do Real decreto 1075/2014, do 19 de decembro.

Nas medidas de axuda por superficie dos programas de desenvolvemento rural, tamén se deberá incluír a superficie non agrícola pola que se solicita axuda.

4. As parcelas agrícolas da explotación identificaranse mediante as referencias alfanuméricas do Sixpac en vigor ao inicio de campaña, salvo no caso dos pastos permanentes utilizados en común cuxa declaración se fará segundo o indicado no artigo seguinte. Con todo, de forma excepcional e para o ano natural 2016, nas áreas indicadas no anexo III, por razóns da existencia de modificacións territoriais aínda non reflectidas no Sixpac, utilizaranse as referencias oficiais identificativas de concentración parcelaria indicadas no dito anexo. De acordo co número 3 do artigo 92 do Real decreto 1075/2014, do 19 de decembro, os solicitantes que declaren máis de 200 ha deberán delimitar graficamente e en formato dixital as parcelas agrícolas da explotación.

5. Calquera propietario de parcelas poderá comunicar ao Fogga aquelas que non poden ser solicitadas por non estar arrendadas, e para iso deberá acreditar a súa titularidade e indicar as súas referencias no Sixpac. De acordo con isto, e segundo co indicado no parágrafo 11 do número I do anexo VII do Real decreto 1075/2014, do 19 de decembro, os solicitantes non terán que indicar na súa solicitude o NIF do arrendador ou cedente aparceiro.

Artigo 12. *Declaración de pastos permanentes utilizados en común*

As superficies de pastos permanentes utilizados en común por varios agricultores declararanse segundo unhas referencias identificativas das parcelas agrícolas distintas das establecidas no Sixpac, que o Fogga poñerá en coñecemento das entidades xestoras dos pastos antes de que finalice o período de presentación da solicitude única, para efectos de que poidan ser utilizadas polos agricultores na declaración de superficies. O agricultor declarará a superficie neta que lle foi asignada pola entidade xestora do pasto, é dicir, a superficie admisible unha vez aplicado o coeficiente de admisibilidade dos pastos que corresponda.



Artigo 13. *Modificación da solicitude única (procedemento MR240D)*

1. Unha vez finalizado o prazo para a presentación da solicitude única, os solicitantes poderán presentar solicitudes de modificación ata o 31 de maio.

2. Mediante estas solicitudes de modificación poderanse engadir parcelas individuais ou dereitos de pagamento individuais sempre que se cumpran os requisitos fixados no réxime de axuda de que se trate. Ademais, poderase modificar a utilización ou o réxime de axuda solicitado das parcelas agrícolas xa declaradas na solicitude única sempre que este xa se solicitase con outras parcelas agrícolas na solicitude única. Cando estas modificacións repercutan nalgún xustificante ou contrato que se debe presentar, tamén estará permitido modificalo.

3. As solicitudes de modificación deberán presentarse preferiblemente por vía electrónica a través do formulario electrónico normalizado accesible desde a sede electrónica da Xunta de Galicia, <https://sede.xunta.es>, de conformidade co establecido nos artigos 27.6 da Lei 11/2007, do 22 de xuño, do acceso electrónico dos cidadáns aos servizos públicos, e 24.2 do Decreto 198/2010, do 2 de decembro, polo que se regula o desenvolvemento da Administración electrónica na Xunta de Galicia e nas entidades dela dependentes.

Alternativamente, tamén se poderán presentar as solicitudes en soporte papel en calquera dos lugares e rexistros establecidos no artigo 38.4 da Lei 30/1992, do 26 de novembro, de réxime xurídico das administracións públicas e do procedemento administrativo común, empregando o formulario normalizado accesible desde a sede electrónica da Xunta de Galicia.

4. A documentación complementaria ou xustificantes necesarios poderán presentarse electronicamente utilizando calquera procedemento de copia dixitalizada do documento orixinal. Neste caso, as copias dixitalizadas presentadas garantirán a fidelidade co orixinal baixo a responsabilidade da persoa solicitante ou representante. A Administración poderá requirir a exhibición do documento orixinal para o cotexo da copia electrónica presentada segundo o disposto nos artigos 35.2 da Lei 11/2007, do 22 de xuño, de acceso electrónico dos cidadáns aos servizos públicos, e 22.3 do Decreto 198/2010, do 2 de decembro, polo que se regula o desenvolvemento da Administración electrónica na Xunta de Galicia e nas entidades dela dependentes.

A documentación complementaria tamén poderá presentarse en formato papel en calquera dos lugares e rexistros establecidos no artigo 38.4 da Lei 30/1992, do 26 de novem-



bro, de réxime xurídico das administracións públicas e do procedemento administrativo común.

As copias dos documentos gozarán da mesma validez e eficacia que os seus orixinais sempre que exista constancia de que sexan auténticas.

CAPÍTULO II Entidades colaboradoras

Artigo 14. *Entidades colaboradoras.*

Logo de solicitude, poderán acceder á condición de entidade colaboradora recoñecida polo Fondo Galego de Garantía Agraria na captura das axudas da PAC que conforman a solicitude única a partir de 2015, así como doutras solicitudes relacionadas con ela que tamén se regulan nesta orde (alegacións e solicitudes de modificación do Sixpac, solicitudes de dereitos de pagamento básico da reserva nacional, etc.):

1. As entidades de crédito (bancos ou caixas de aforro) que teñan sucursais abertas ao público na Comunidade Autónoma de Galicia.
2. As organizacións profesionais agrarias con implantación na Comunidade Autónoma.
3. As entidades de aconsellamento inscritas no Rexistro de Entidades con Servizos de Aconsellamento ou Xestión de Galicia (Resaxega).

Artigo 15. *Requisitos das entidades colaboradoras*

1. As entidades solicitantes deberán reunir os seguintes requisitos:
 - a) Dispor de persoal cualificado para prestar o asesoramento no ámbito da solicitude única de axudas da PAC.
 - b) Dispor de medios para o tratamento informático das solicitudes a través do programa de captura facilitado polo Fondo Galego de Garantía Agraria.
 - c) Dispor de certificado dixital de usuario da entidade con sinatura electrónica avanzada para a realización do rexistro electrónico das solicitudes presentadas a través da dita entidade.



d) Cumprir o disposto no artigo 10.2 e 10.3 da Lei 9/2007, do 13 de xuño, de subvencións de Galicia.

2. Os citados requisitos acreditaranse mediante declaración responsable.

Artigo 16. *Solicitud e prazo de presentación (procedemento MR2390)*

1. As entidades interesadas deberán dirixir a súa solicitude a persoa titular da Dirección do Fondo Galego de Garantía Agraria, segundo o modelo do anexo XIII.

2. Esta solicitude deberá presentarse preferiblemente por vía electrónica a través do formulario electrónico normalizado dispoñible na sede electrónica da Xunta de Galicia, <https://sede.xunta.es>, de conformidade co establecido nos artigos 27.6 da Lei 11/2007, do 22 de xuño, do acceso electrónico dos cidadáns aos servizos públicos, e 24.2 do Decreto 198/2010, do 2 de decembro, polo que se regula o desenvolvemento da Administración electrónica na Xunta de Galicia e nas entidades dela dependentes.

Alternativamente, tamén se poderá presentar a solicitude en soporte papel en calquera dos lugares e rexistros establecidos no artigo 38.4 da Lei 30/1992, do 26 de novembro, de réxime xurídico das administracións públicas e do procedemento administrativo común, empregando o formulario normalizado dispoñible na sede electrónica da Xunta de Galicia.

3. O prazo para a presentación das solicitudes será desde o día da publicación da presente orde ata o día 31 de marzo, inclusive.

Artigo 17. *Convenio de entidade colaboradora*

1. Á vista da solicitude presentada e logo de comprobar o cumprimento dos requisitos previstos no artigo 15, a persoa titular da Dirección do Fondo Galego de Garantía Agraria e o representante da entidade colaboradora formalizarán o convenio de entidade colaboradora.

2. O convenio de entidade colaboradora terá o contido previsto no artigo 13 da Lei 9/2007, do 13 de xuño, de subvencións de Galicia e terá efectos para a campaña de solicitudes correspondente ao ano da sinatura e será renovable expresamente mediante adenda, para cada campaña.



Artigo 18. *Habilitación para a presentación das solicitudes en representación de terceiros*

1. A formalización do convenio comportará a habilitación para a presentación na Comunidade Autónoma de Galicia da solicitude única de axudas da PAC e doutras solicitudes relacionadas con ela que tamén se regulan nesta orde, en representación de terceiros por medios telemáticos.

2. As entidades colaboradoras deberán ter a representación necesaria nos termos establecidos no artigo 32 da Lei 30/1992, do 26 de novembro, de réxime xurídico das administracións públicas e do procedemento administrativo común.

3. O Fondo Galego de Garantía Agraria poderá requirir en calquera momento ás entidades habilitadas a acreditación da representación que teñan. A falta de representación suficiente das persoas en cuxo nome se presentase a documentación dará lugar á existencia das responsabilidades pertinentes.

4. A habilitación só confire á entidade autorizada a representación para intervir na presentación da solicitude da campaña en curso a través da aplicación informática do Fondo Galego de Garantía Agraria.

CAPÍTULO III Alegacións ao Sixpac

Artigo 19. *Alegacións e solicitudes de modificación do Sixpac (procedemento MR239K)*

1. As persoas interesadas deberán comprobar que a información contida no Sixpac referida aos recintos que compoñen as súas parcelas agrícolas é correcta; en concreto, deberán comprobar que a delimitación gráfica e o uso asignado aos seus recintos é correcto. Así mesmo, deberán asegurarse de que os seus recintos non conteñen elementos non elixibles, en particular, camiños e edificacións.

2. No caso de que a información recollida no Sixpac non coincida coa realidade da súa explotación, as persoas interesadas deberán presentar as alegacións ou solicitudes de modificación que correspondan sobre o uso, a delimitación ou outra información do recinto existente no Sixpac.

3. No que se refire ás alegacións e solicitudes de modificación relativas ao coeficiente de admisibilidade dos pastos (CAP) en Galicia, os interesados poderán propoñer modifica-



cións ao CAP global, sen distinguir os factores que o compoñen (solo, pendente ou vexetación). Os interesados poderán diferenciar sectores dun mesmo recinto nos cales estimen un grao de admisibilidade substancialmente diferente, pero só se admitirán as solicitudes para incrementar o CAP global cando o incremento proposto sexa superior ou igual ao 20 % e, ademais, o novo valor proposto na alegación neses casos só poderá ser algún dos seguintes: 25, 35, 45, 55, 65, 75, 85 ou 100. Non se considerarán pastos arbustivos ou con arboredo os límites dos recintos, particularmente os de terras de cultivo, pasteiros ou cultivos permanentes.

Artigo 20. Lugar e prazo de presentación de alegacións e solicitudes de modificación do Sixpac

1. As alegacións e solicitudes de modificación ao Sixpac dos recintos situados na Comunidade Autónoma de Galicia presentaranse dirixidas á persoa titular da Dirección do Fogga.

2. O prazo de presentación será ata o 31 de maio de 2016, para que as resolucións teñan efecto sobre as superficies validadas das solicitudes de axuda tramitadas coa solicitude única no ano 2016.

3. A presentación destas alegacións e solicitudes de modificación será realizada polas mesmas vías establecidas no artigo 13.3 para a modificación da solicitude única.

4. Estas solicitudes irán acompañadas da documentación que para cada caso se indica na parte C do anexo I.

5. A documentación complementaria ou xustificantes necesarios poderán presentarse electronicamente utilizando calquera procedemento de copia dixitalizada do documento orixinal. Neste caso, as copias dixitalizadas presentadas garantirán a fidelidade co orixinal baixo a responsabilidade da persoa solicitante ou representante. A Administración poderá requirir a exhibición do documento orixinal para o cotexo da copia electrónica presentada segundo o disposto nos artigos 35.2 da Lei 11/2007, do 22 de xuño, de acceso electrónico dos cidadáns aos servizos públicos, e 22.3 do Decreto 198/2010, do 2 de decembro, polo que se regula o desenvolvemento da Administración electrónica na Xunta de Galicia e nas entidades dela dependentes.

A documentación complementaria tamén se poderá presentar en formato papel en calquera dos lugares e rexistros establecidos no artigo 38.4 da Lei 30/1992, do 26 de novem-



bro, de réxime xurídico das administracións públicas e do procedemento administrativo común.

As copias dos documentos gozarán da mesma validez e eficacia que os seus orixinais sempre que exista constancia de que sexan auténticas.

Artigo 21. *Resolución de alegacións e solicitudes de modificación*

1. A resolución das alegacións e solicitudes de modificación ao Sixpac corresponde á persoa titular da Dirección do Fogga que ditará a resolución correspondente que será notificada aos interesados.

2. O prazo para resolver as alegacións ou solicitudes de modificación é de seis meses desde a súa presentación. Transcorrido devandito prazo sen que se dite resolución expresa poderán entenderse desestimadas.

3. Contra a resolución da persoa titular da Dirección do Fogga caberá a interposición do recurso dealzada ante a persoa titular da Presidencia do citado organismo no prazo dun mes, contado desde a notificación da resolución que se impugna.

CAPÍTULO IV Da condicionalidade

Artigo 22. *Obxecto e ámbito de aplicación*

Este capítulo ten por obxecto definir na Comunidade Autónoma de Galicia as boas condicións agrarias e ambientais da terra e os requisitos legais de xestión que se deberán cumprir no ano 2016 de acordo coa condicionalidade, en conformidade co Real decreto 1078/2014, do 19 de decembro, polo que se establecen as normas da condicionalidade que deben cumprir os beneficiarios que reciben pagamentos directos, determinadas primas anuais de desenvolvemento rural, ou pagamentos en virtude de determinados programas de apoio ao sector vitivinícola.

Artigo 23. *Obrigación de cumprir os requisitos da condicionalidade*

1. Os beneficiarios dos pagamentos e axudas indicados no artigo 2, salvo os que unicamente reciban a prima anual de mantemento asociada ás axudas de primeira forestación de terras non agrícolas ou ás axudas para o fomento das frondosas caducifolias, así como os beneficiarios que recibisen pagamentos á colleita en verde en 2015, da prima ao arrin-



que en 2013 ou 2014 ou á reestruturación e reconversión do viñedo nos anos 2013, 2014 ou 2015, deberán observar os requisitos legais de xestión a que se refire o anexo VI desta orde, así como as boas condicións agrarias e ambientais da terra indicadas no anexo VII.

2. Consonte o disposto no artigo 92 do Regulamento (UE) nº 1306/2013 do Parlamento Europeo e do Consello, do 17 de decembro, os agricultores que participan no réxime a favor dos pequenos agricultores, quedarán exentos da condicionalidade e, en particular, do seu sistema de control e, se e o caso, da aplicación de penalizacións.

CAPÍTULO V

Resolución das axudas no marco do SIXC

Artigo 24. *Resolución de solicitudes de pagamentos directos á agricultura e gandaría*

1. Unha vez realizados os controis administrativos e sobre o terreo e comunicados polo Ministerio de Agricultura, Alimentación e Medio Ambiente os coeficientes previstos, se é o caso, a Subdirección Xeral de Xestión da PAC, na súa condición de órgano instrutor do procedemento, establecerá, para cada unha das solicitudes presentadas no seu ámbito, as superficies, o número de animais con dereito a recibir as axudas e os importes que lles corresponden.

2. A persoa titular da Dirección do Fogga será a competente para resolver estas solicitudes.

3. A dita resolución non pon fin á vía administrativa e, de conformidade co disposto no artigo 114 e seguintes da Lei 30/1992, do 26 de novembro, de réxime xurídico das administracións públicas e do procedemento administrativo común, poderase recorrer contra ela alzada ante a persoa titular da Presidencia do Fondo Galego de Garantía Agraria no prazo dun mes.

Artigo 25. *Resolución das solicitudes de pagamentos a zonas con limitacións naturais, de agroatmosfera e clima e de agricultura ecolóxica*

1. No caso dos pagamentos a zonas con limitacións naturais:

a) Se os importes das axudas que se van pagar superan o orzamento dispoñible para cada zona (montaña e outras zonas con limitacións naturais) entón a Subdirección Xeral de Xestión da PAC, na súa condición de órgano instrutor do procedemento, establecerá un rateo dos importes das axudas para adaptalos ao orzamento dispoñible.



b) Os servizos territoriais do Fogga elevarán a correspondente proposta, a través do subdirector xeral de Xestión da PAC, á directora do organismo, que é a autoridade competente para resolver.

2. No caso da concesión das axudas de agroambiente e clima e de agricultura ecolóxica:

a) O procedemento de concesión tramitarase en réxime de concorrencia competitiva de acordo cos criterios de priorización establecidos nesta orde para cada unha delas.

b) Establecida a priorización das solicitudes os servizos territoriais do Fogga elevarán a correspondente proposta, a través do subdirector xeral de Xestión da PAC, á directora do organismo, que é a autoridade competente para resolver.

3. A dita resolución non pon fin á vía administrativa e, de conformidade co disposto no artigo 114 e seguintes da Lei 30/1992, do 26 de novembro, de réxime xurídico das administracións públicas e do procedemento administrativo común, poderase recorrer contra ela en alzada ante a persoa titular da Presidencia do Fondo Galego de Garantía Agraria no prazo dun mes.

Artigo 26. *Prazo para resolver*

O prazo máximo para ditar as resolucións previstas no artigo anterior será de nove meses contados a partir do día seguinte ao da publicación desta orde no DOG. Transcorrido o devandito prazo sen que se dite e notifique a correspondente resolución, o interesado poderá entender desestimada a súa solicitude por silencio administrativo.

Artigo 27. *Notificación das resolucións de axuda*

1. Todas as resolucións serán notificadas de acordo co establecido na Lei 30/1992. De conformidade co establecido no artigo 59.6.b) da indicada lei, a notificación poderá realizarse mediante a publicación no *Diario Oficial de Galicia*, no taboleiro de anuncios e na páxina web da Consellería do Medio Rural. Nesta notificación especificarase a convocatoria, o beneficiario, a cantidade concedida e a finalidade da subvención outorgada, así como, se fose o caso, as causas da desestimación, e expresará, ademais, os recursos que procedan contra a resolución, o órgano administrativo e xudicial ante o cal deben presentarse e o prazo para interpoñelos. Os interesados propostos como beneficiarios disporán dun prazo de dez días para a aceptación da resolución, transcorrido o dito prazo sen que se produza manifestación expresa entenderase tacitamente aceptada e non será admisible a renuncia posterior.



2. Ademais, nas resolucións das solicitudes de pagamentos a zonas con limitacións naturais, de agroambiente e clima e de agricultura ecolóxica, informaranse os beneficiarios de que a medida correspondente se subvenciona en virtude dun programa cofinanciado polo Feader, e da medida e da prioridade do PDR de que se trate.

Artigo 28. *Pagamento aos beneficiarios*

1. No que se refire aos períodos de pagamento e anticipos, e ao número de prazos en que se poderán facer os pagamentos, observarase o indicado no artigo 75.1 do Regulamento (UE) nº 1306/2013 do Parlamento e do Consello, do 17 de decembro, e no artigo 105 do Real decreto 1075/2014, do 19 de decembro.

2. Os pagamentos indicados no número 1 só se poderán efectuar unha vez finalizados os controis administrativos e sobre o terreo necesarios para verificar que se cumpren as condicións de admisibilidade. Non obstante, os anticipos por axudas concedidas no marco do desenvolvemento rural, poderán aboarse unha vez realizados os controis administrativos.

Artigo 29. *Cesión da explotación*

1. De acordo co establecido no artigo 8 do Regulamento de execución (UE) nº 809/2014 da Comisión, do 17 de xullo de 2014, polo que se establecen disposicións de aplicación do Regulamento (UE) nº 1306/2013 do Parlamento Europeo e do Consello, no que se refire ao Sistema integrado de xestión e control, as medidas de desenvolvemento rural e a condicionalidade, cando despois de presentarse unha solicitude de axuda ou de pagamento e antes de que se cumprisen todas as condicións para a súa concesión, unha explotación sexa cedida por un beneficiario a outro na súa totalidade, non se concederá axuda ningunha ao cedente en relación coa explotación cedida.

2. As axudas solicitadas polo cedente concederanse ao cesionario sempre que:

a) O cesionario informe o Fogga antes do 31 de outubro de 2016 e solicite o pagamento da axuda.

b) O cesionario presente, no mesmo prazo, o documento de cambio de titularidade da explotación.

c) Se cumpran todas as condicións para a concesión da axuda respecto da explotación cedida.



3. Unha vez que o cesionario informase o Fogga e solicitase o pagamento das axudas:

a) Todos os dereitos e obrigas do cedente que deriven da relación xurídica xerada pola solicitude de axuda ou a solicitude de pagamento entre o cedente e a autoridade competente transferiranse ao cesionario.

b) Todas as actuacións necesarias para a concesión da axuda e todas as declaracións realizadas polo cedente antes da cesión asignaranse ao cesionario para os efectos da aplicación da normativa pertinente da Unión Europea.

c) A explotación cedida considerarase, cando proceda, unha explotación independente en relación co ano de solicitude considerado.

4. Sen prexuízo do cumprimento da obriga de informar na forma e prazo indicados no punto 2 deste mesmo artigo, para os pagamentos a zonas con limitacións naturais, as axudas de agroambiente e clima e de agricultura ecolóxica, a concesión da axuda ao cesionario estará supeditada á comprobación do cumprimento por este dos requisitos unha vez que achegue a documentación pertinente.

5. En ningún caso serán de aplicación as disposicións sinaladas neste artigo cando a transferencia só afecte unha parte da explotación.

TÍTULO II

Dos pagamentos directos á agricultura e á gandaría

Artigo 30. *Obxecto*

O obxecto deste título é regular os aspectos específicos para a aplicación na Comunidade Autónoma de Galicia dos pagamentos directos á agricultura e á gandaría indicados no artigo 2.1 desta orde.

Artigo 31. *Solicitude de dereitos de pagamento básico da reserva nacional (procedemento MR241C)*

1. As solicitudes de dereitos de pagamento básico da reserva nacional na Comunidade Autónoma de Galicia presentaranse ante a persoa titular da Dirección do Fogga.

2. O prazo de presentación será o mesmo que o da solicitude única, é dicir, desde o 1 de febreiro ao 30 de abril de 2016, ambos incluídos.



3. A presentación destas solicitudes realizarase polas mesmas vías establecidas no artigo 10 para a solicitude única.

4. Estas solicitudes irán acompañadas da documentación que se indica no anexo I.

5. A documentación complementaria presentarse electronicamente empregando calquera procedemento de copia dixitalizada do documento orixinal. Neste caso, as copias dixitalizadas presentadas garantirán a fidelidade co orixinal baixo a responsabilidade da persoa solicitante ou representante. A Administración poderá requirir a exhibición do documento orixinal para o cotexo da copia electrónica presentada segundo o disposto nos artigos 35.2 da Lei 11/2007, do 22 de xuño, de acceso electrónico dos cidadáns aos servizos públicos, e 22.3 do Decreto 198/2010, do 2 de decembro, polo que se regula o desenvolvemento da Administración electrónica na Xunta de Galicia e nas entidades dela dependentes.

Artigo 32. *Cesións de dereitos de pagamento básico (procedemento MR241D)*

1. A comunicación das cesións dos dereitos de pagamento básico realizarase de acordo co establecido no artigo 30 do Real decreto 1076/2014, do 19 de decembro.

2. Excepcionalmente para a campaña 2016, o período de comunicación iníciase o 1 de febreiro e finalizará cando remate o prazo de presentación da solicitude única.

3. O cedente comunicará á persoa titular da Dirección do Fogga a cesión dos dereitos de pagamento básico sempre e cando a súa última solicitude única a presentase na Comunidade Autónoma de Galicia.

4. Na Comunidade Autónoma de Galicia, as comunicacións destas cesións de dereitos presentaranse polas mesmas vías establecidas no artigo 13.3 para a modificación da solicitude única.

5. Xunto coas comunicacións presentaranse os documentos necesarios en función do tipo de cesión elixida tal e como se indica no anexo I.

6. A documentación complementaria poderá presentarse electronicamente utilizando calquera procedemento de copia dixitalizada do documento orixinal. Neste caso, as copias dixitalizadas presentadas garantirán a fidelidade co orixinal baixo a responsabilidade da persoa solicitante ou representante. A Administración poderá requirir a exhibición do documento orixinal para o cotexo da copia electrónica presentada segundo o disposto



nos artigos 35.2 da Lei 11/2007, do 22 de xuño, de acceso electrónico dos cidadáns aos servizos públicos, e 22.3 do Decreto 198/2010, do 2 de decembro, polo que se regula o desenvolvemento da Administración electrónica na Xunta de Galicia e nas entidades dela dependentes.

A documentación complementaria tamén poderá presentarse en formato papel en calquera dos lugares e rexistros establecidos no artigo 38.4 da Lei 30/1992, do 26 de novembro, de réxime xurídico das administracións públicas e do procedemento administrativo común.

As copias dos documentos gozarán da mesma validez e eficacia que os seus orixinais sempre que exista constancia de que sexan auténticas.

Artigo 33. *Período principal de cultivo*

De acordo co artigo 20.5 do Real decreto 1075/2014, do 19 de decembro, o período no cal se levará a cabo a verificación do número de cultivos e o cálculo das súas correspondentes porcentaxes, segundo o establecido no número 1 do mesmo artigo, irá dos meses de maio a xullo, de forma que, maioritariamente, os cultivos se encontren no terreo durante ese período.

Artigo 34. *Axuda asociada para as explotacións de ovino*

De acordo coa posibilidade establecida no artigo 71.3 do Real decreto 1075/2014, do 19 de decembro, na Comunidade Autónoma de Galicia establécese que poderán ser beneficiarios desta axuda os titulares de explotacións cun censo de femias elixibles igual ou superior a 10.

TÍTULO III Solicitudes de pagamento das medidas de desenvolvemento rural no ámbito do SIXC

CAPÍTULO I Disposicións xerais

Artigo 35. *Obxecto e ámbito*

Neste título regúlanse as solicitudes de pagamento das medidas de desenvolvemento rural no ámbito do Sistema integrado de xestión e control que se convocan na Comunidade Autónoma de Galicia para o ano 2016.



CAPÍTULO II

Prima anual de mantemento asociada ás axudas de primeira forestación de terras non agrícolas e ás axudas para o fomento das frondosas caducifolias*Artigo 36. Ámbito de aplicación*

Os beneficiarios que se indican no artigo seguinte poderán solicitar o pagamento dunha prima destinada ao coidado, mantemento e demais traballos posteriores á plantación que son necesarios para o logro da plantación realizada en terras agrícolas abandonadas.

Artigo 37. Beneficiarios

No ano 2016 poderán solicitar o pagamento da prima de mantemento aqueles beneficiarios que a teñen concedida sobre a base das seguintes ordes reguladoras e coas condicións indicadas:

1. Orde do 9 de maio de 2007 pola que se establecen as bases e se convocan para o ano 2007 as axudas para o fomento das frondosas caducifolias (DOG nº 93, do 15 de maio). Unicamente para os expedientes en que se efectuou o aboamento da certificación final dos traballos da reforestación a partir do 1 de xaneiro de 2010 e que lles corresponda no ano 2016.

2. Orde do 11 de xuño de 2007 pola que se establecen as bases e se convocan para o ano 2007 as axudas para o fomento da primeira forestación de terras non agrícolas (DOG nº 116, do 18 de xuño). Unicamente para os expedientes en que se efectuou o aboamento da certificación final dos traballos da reforestación a partir do 1 de xaneiro de 2010 e que lles corresponda no ano 2016.

3. Orde do 28 de xaneiro de 2008 pola que se establecen as bases e se convocan para o ano 2008 as axudas para o fomento da primeira forestación de terras non agrícolas (DOG nº 27, do 7 de febreiro).

4. Orde do 30 de xaneiro de 2008 pola que se establecen as bases e se convocan para o ano 2008 as axudas para o fomento das frondosas caducifolias (DOG nº 34, do 18 de febreiro).

5. Orde do 20 de febreiro de 2009 pola que se modifican as bases reguladoras das axudas para o fomento das frondosas caducifolias e se convocan para o exercicio orzamentario 2009 (DOG nº 41, do 27 de febreiro).



6. Orde do 26 de febreiro de 2009 pola que se modifican as bases reguladoras das axudas para o fomento da primeira forestación de terras non agrícolas e se convocan para o exercicio orzamentario 2009 (DOG nº 50, do 12 de marzo).

7. Orde do 17 de xuño de 2011 pola que se establecen as bases reguladoras das axudas, en concorrencia competitiva, para o fomento da primeira forestación de terras non agrícolas, cofinanciadas co Fondo Europeo Agrícola de Desenvolvemento Rural (Feader) no marco do PDR de Galicia 2007-2013, e se convocan para o ano 2011 (DOG nº 123, do 28 de xuño).

8. Orde do 10 de setembro de 2013 pola que se establecen as bases reguladoras das axudas, en concorrencia competitiva, para o fomento da primeira forestación de terras non agrícolas, cofinanciadas co Fondo Europeo Agrícola de Desenvolvemento Rural (Feader) no marco do PDR de Galicia 2007-2013, e se convocan para o ano 2013 (DOG nº 177, do 17 de setembro). Unicamente beneficiarios das axudas da liña II: primeira forestación de terras non agrícolas con castiñeiro para froito.

CAPÍTULO III

Pagamentos a zonas con limitacións naturais

Artigo 38. Ámbito de aplicación

Estas axudas concederánselles aos agricultores que cumpran os requisitos para ser beneficiarios e as condicións de elixibilidade, co obxectivo de compensar as perdas de ingresos e os custos adicionais derivados das desvantaxes provocadas polas limitacións de distinta natureza que afrontan as explotacións agrarias nas zonas de montaña e noutras zonas con limitacións naturais distintas das de montaña.

Sección 1ª. Pagamentos compensatorios en áreas de montaña

Artigo 39. Beneficiarios

Os beneficiarios destas axudas deberán cumprir os requisitos de agricultor activo aos que se refire o capítulo II do título preliminar desta orde. Ademais, estas axudas só se concederán aos agricultores non pluriactivos que se identificarán da seguinte maneira:

a) No caso das persoas físicas, serán aqueles que cumpran a condición de agricultor a título principal (ATP) ou explotación prioritaria.



b) No caso de persoas xurídicas o de agrupacións de persoas físicas ou xurídicas, os que cumpran a condición de explotación prioritaria.

Artigo 40. *Condicións de elixibilidade*

1. Será elixible a superficie agraria útil (SAU) situada en concellos de Galicia clasificados como zonas de montaña no anexo da Directiva 86/466/CEE, do 14 de xullo de 1986, relativa á lista comunitaria de zonas agrícolas desfavorecidas, de acordo co número 3 do artigo 3 da Directiva 75/268/CEE e que se recollen no anexo V desta orde.

2. Poderán acceder a estas axudas as explotacións cun mínimo de 2 ha de superficie indemnizable (S.I.) nos concellos a que se refire o punto anterior, considerando que a superficie forraxeira só será elixible nas explotacións cunha carga gandeira maior ou igual a 0,7 UGM/ha.

Artigo 41. *Importe da axuda*

1. O importe da axuda será de ata 280 €/ha de S.I. Este importe será decrecente en función da superficie indemnizable, segundo se indica a continuación:

- a) Ás primeiras 5 ha de S.I. correspóndelles o 100 % do importe.
- b) Entre 5 e 25 ha de S.I. o 75 %.
- c) Entre 25 e 100 ha de S.I. o 50 %.
- d) A partir de 100 ha de S.I. non se concede axuda.

2. A SI determinarase a partir da SAU situada no concello da explotación ou nos concellos adxacentes que estean clasificados como zona de montaña. Para o seu cálculo terase en conta o seguinte:

a) As superficies forraxeiras só se computarán nas explotacións que cumpran a condición de elixibilidade da carga gandeira.

b) Ás superficies de pastos arbustivos (PR) ou pastos arborados (PA) aplicaráselles un coeficiente redutor de 0,30.

c) Establécese un máximo de S.I. de 100 ha.



3. O importe da axuda nunca excederá os 450 €/ha de SAU, nin se pagará cando o importe sexa inferior a 25 €/ha de SAU.

4. No caso de que o orzamento dispoñible sexa insuficiente para cubrir os pagamentos a todos os beneficiarios co importe máximo indicado no número 1 deste artigo, realizarase un rateo proporcional para axustar os pagamentos ao dito orzamento.

Sección 2ª. Pagamentos compensatorios en áreas con limitacións naturais (distintas de montaña)

Artigo 42. Beneficiarios

Os beneficiarios destas axudas deberán cumprir os requisitos de agricultor activo aos que se refire o capítulo II do título preliminar desta orde. Ademais, estas axudas só se concederán aos agricultores non pluriactivos que se identificarán da seguinte maneira:

a) No caso das persoas físicas, serán aqueles que cumpran a condición de agricultor a título principal (ATP) ou explotación prioritaria.

b) No caso de persoas xurídicas o de agrupacións de persoas físicas ou xurídicas, os que cumpran a condición de explotación prioritaria.

Artigo 43. Condicións de elixibilidade

1. Será elixible a superficie agraria útil (SAU) situada en concellos de Galicia clasificados como zonas desfavorecidas no anexo da Directiva 86/466/CEE, do 14 de xullo de 1986, relativa á lista comunitaria de zonas agrícolas desfavorecidas, de acordo co número 4 do artigo 3 da Directiva 75/268/CEE e que se recollen no anexo V desta orde.

2. Poderán acceder a estas axudas as explotacións cun mínimo de 2 ha de superficie indemnizable (S.I.) nos concellos a que se refire o punto anterior, considerando que a superficie forraxeira só será elixible nas explotacións cunha carga gandeira maior ou igual a 0,9 UGM/ha.

Artigo 44. Importe da axuda

1. O importe da axuda será de ata 210 €/ha de S.I. Este importe será decrecente en función da superficie indemnizable, segundo se indica a continuación:

a) Ás primeiras 5 ha de S.I. correspóndelles o 100 % do importe.



- b) Entre 5 e 25 ha de S.I. o 75 %.
- c) Entre 25 e 100 ha de S.I. o 50 %.
- d) A partir de 100 ha de S.I. non se concede axuda.

2. A S.I. determinarase a partir da SAU situada no concello da explotación ou nos concellos adxacentes que estean clasificados como zona desfavorecida distinta de montaña. Para o seu cálculo terase en conta o seguinte:

- a) As superficies forraxeiras só se computarán nas explotacións que cumpran a condición de elixibilidade da carga gandeira.
- b) Ás superficies de pastos arbustivos (PR) ou pastos arborados (PA) aplicaráselles un coeficiente reductor de 0,30.
- c) Establécese un máximo de SI de 100 ha.

3. O importe da axuda nunca excederá os 250 €/ha de SAU, nin se pagará cando o importe sexa inferior a 25 €/ha de SAU.

4. No caso de que o orzamento dispoñible sexa insuficiente para cubrir os pagamentos a todos os beneficiarios co importe máximo indicado no número 1 deste artigo, realizarase un rateo proporcional para axustar os pagamentos ao dito orzamento.

CAPÍTULO IV

Axudas de agroambiente e clima e de agricultura ecolóxica

Sección 1ª. Elementos comúns para as axudas de agroambiente e clima e de agricultura ecolóxica

Artigo 45. *Elementos comúns*

En prol dunha maior claridade, nesta sección recóllense os elementos comúns que son de aplicación tanto ás axudas de agroambiente e clima como ás de agricultura ecolóxica.

Artigo 46. *Tipos de solicitudes*

Nestas axudas diferéncianse dous tipos de solicitudes:

- a) Solicitudes de pagamento vinculadas a compromisos iniciados e aprobados ao abeiro da Orde do 10 de marzo de 2015 pola que se regula a aplicación dos pagamentos directos



á agricultura e á gandaría e das axudas ao desenvolvemento rural suxeitas ao Sistema integrado de xestión e control (DOG nº 48, do 11 de marzo de 2015).

b) Solicitudes de pagamento para iniciar compromisos ao abeiro da presente orde.

Artigo 47. *Liña de base*

1. De acordo co indicado nos artigos 28 e 29 do Regulamento (UE) nº 1305/2013 do Parlamento Europeo e do Consello, do 17 de decembro de 2013, as axudas de agroambiente e clima e de agricultura ecolóxica unicamente cubrirán os compromisos que impoñan maiores exixencias que os requisitos obrigatorios correspondentes establecidos de conformidade co título VI, capítulo I, do Regulamento (UE) nº 1306/2013 do Parlamento Europeo e do Consello, do 17 de decembro de 2013, os criterios e actividades mínimas pertinentes establecidos de conformidade co artigo 4, número 1, letra c), incisos ii) e iii), do Regulamento (UE) nº 1307/2013 do Parlamento Europeo e do Consello, do 17 de decembro de 2013, e os requisitos mínimos relativos á utilización de fertilizantes e produtos fitosanitarios, así como outros requisitos obrigatorios pertinentes establecidos no dereito nacional.

2. En cada axuda, a liña de base estará composta polos requisitos obrigatorios indicados no punto anterior que sexan pertinentes para os seus compromisos. Os requisitos que constitúen a liña de base de cada axuda identifícanse no anexo IX.

Artigo 48. *Aconsellamento específico*

1. As explotacións beneficiarias das axudas a que se refire esta sección deberán recibir o servizo de aconsellamento específico dunha entidade inscrita antes do 1 de xaneiro de 2016 no Rexistro de Entidades con Servizos de Aconsellamento ou Xestión de Galicia (Resaxega) ou coa solicitude de inscrición presentada antes desa data sempre e cando queden finalmente inscritas con data límite 31 de marzo de 2016.

2. Para verificar que as explotacións reciben o aconsellamento exixido, as entidades de aconsellamento indicadas polos interesados na solicitude única comunicarán ao Fogga, con data límite 31 de xullo do ano de solicitude, a información establecida no anexo X.

Sección 2ª. Agroambiente e clima

Artigo 49. *Ámbito de aplicación*

1. Estas axudas concederanse aos agricultores que se comprometan voluntariamente a realizar operacións consistentes nun ou varios compromisos agroambientais e climáticos



na superficie agrícola da súa explotación, e compensarán os custos adicionais e as perdas de ingresos como consecuencia dos compromisos subscritos.

2. Os compromisos agroambientais e climáticos a que se poderán acoller os agricultores polas unidades de produción (superficies, colmeas ou animais) da súa explotación situadas na Comunidade Autónoma de Galicia son:

- a) Apicultura para a conservación da biodiversidade en zonas con limitacións naturais
- b) Razas autóctonas en perigo de extinción
- c) Xestión sustentable de pastos
- d) Extensificación do vacún de leite

Artigo 50. *Incompatibilidades*

Os compromisos de xestión sustentable de pastos e de extensificación do vacún de leite son incompatibles entre si.

Doutra banda, unicamente o compromiso de razas autóctonas en perigo de extinción é compatible coas axudas á agricultura ecolóxica reguladas na sección 3ª deste capítulo.

Subsección 1ª. Apicultura para a conservación da biodiversidade en zonas con limitacións naturais

Artigo 51. *Beneficiarios*

Poderán ser beneficiarios desta axuda os apicultores (persoas físicas ou xurídicas ou grupos de persoas físicas ou xurídicas) titulares dunha explotación inscrita no Rexistro de Explotacións Gandeiras (Rega) que cumpran as condicións de elixibilidade e se comprometan voluntariamente a respectar os compromisos indicados nos artigos seguintes.

Artigo 52. *Condicións de elixibilidade*

As explotacións beneficiarias deberán recibir o servizo de aconsellamento específico dunha entidade que cumpra o indicado no artigo 48.



Artigo 53. *Compromisos*

As explotacións beneficiarias asumirán os seguintes compromisos:

1. Manter un mínimo de 100 colmeas en municipios de Galicia designados como zonas de montaña segundo o indicado no anexo V e distribuídas, polo menos, en dúas alvarizas.

2. Manter, como mínimo, as colmeas comprometidas durante os anos que dura o compromiso. Para estes efectos consideraranse comprometidas e primables un máximo de 80 colmeas por alvariza que cumpra o exixido no compromiso seguinte.

3. A distancia entre as alvarizas do mesmo beneficiario será polo menos de 1 km. Ademais, para seren primables, as coordenadas de localización de cada alvariza figurarán obrigatoriamente na solicitude de pagamento e deberán constar na base de datos oficial do Rega.

Artigo 54. *Duración dos compromisos*

Os compromisos contraeranse por cinco anos e durante este período non será posible o incremento das colmeas comprometidas.

Os beneficiarios deberán presentar anualmente unha solicitude de pagamento dentro da solicitude única de axudas.

Artigo 55. *Importe da axuda*

Establécese unha axuda de 12 € por colmea situada en concellos da Comunidade Autónoma de Galicia designados como zonas de montaña, cun máximo de 80 colmeas por alvariza que cumpra os compromisos.

Subsección 2ª. Razas autóctonas en perigo de extinción**Artigo 56. *Beneficiarios***

Poderán ser beneficiarios desta axuda os agricultores (persoas físicas ou xurídicas ou grupos de persoas físicas ou xurídicas) titulares dunha explotación inscrita no Rexistro de Explotacións Gandeiras (Rega) que cumpran as condicións de elixibilidade e se comprometan voluntariamente a respectar os compromisos indicados nos artigos seguintes.



Artigo 57. Condicións de elixibilidade

As explotacións beneficiarias deberán recibir o servizo de aconsellamento específico dunha entidade que cumpra o indicado no artigo 48 e non aplicar lodos de depuradora na integridade da superficie da explotación.

Artigo 58. Compromisos

As explotacións beneficiarias asumirán os seguintes compromisos:

1. Dispoñer de máis de 5 UGM primables dunha ou varias das razas autóctonas en perigo de extinción relacionadas no anexo VIII desta orde.
2. Cando se trate de especies de ovino, cabrún, equino e/ou bovino, manter na explotación unha carga gandeira mínima de 0,7 UGM/ha e máxima de 2 UGM/ha.
3. Manter, como mínimo, as UGM primables comprometidas de razas autóctonas en perigo de extinción durante os anos que dura o compromiso.
4. Participar no programa de mellora xenética da raza.

Artigo 59. Duración dos compromisos

Os compromisos contraeranse por cinco anos. Durante ese período será posible incrementar o número de UGM comprometidas a condición de que ese incremento sexa polo menos de 5 UGM e a duración inicial do compromiso se mantexa.

Os beneficiarios deberán presentar anualmente unha solicitude de pagamento dentro da solicitude única de axudas.

Artigo 60. Importe da axuda

Establécese unha axuda de 175 €/UGM primable. Serán primables as UGM calculadas a partir de animais inscritos nos correspondentes libros xenealóxicos das razas.



*Subsección 3ª. Xestión sustentable de pastos***Artigo 61. Beneficiarios**

Poderán ser beneficiarios desta axuda os agricultores (persoas físicas ou xurídicas ou grupos de persoas físicas ou xurídicas) titulares dunha explotación de bovino, ovino, cabrún e/ou equino inscrita no Rexistro de Explotacións Gandeiras (Rega) que cumpran as condicións de elixibilidade e que se comprometan voluntariamente a respectar os compromisos indicados nos artigos seguintes.

Artigo 62. Condicións de elixibilidade

As explotacións beneficiarias deberán recibir o servizo de aconsellamento específico dunha entidade que cumpra o indicado no artigo 48 e non aplicar lodos de depuradora na integridade da superficie da explotación.

Artigo 63. Compromisos

1. As explotacións beneficiarias asumirán os seguintes compromisos:

a) Dispoñer dun mínimo de 10 ha de superficie forraxeira indemnizable.

b) Manter unha carga gandeira mínima de 0,7 UGM/ha e non superior a 2 UGM/ha.

c) Manter a superficie forraxeira comprometida durante os anos que dure o compromiso. Non obstante, o número de hectáreas ás cales se aplicará un compromiso poderá reducirse, sempre e cando non se comprometa o logro do compromiso; en calquera caso, a redución da superficie cuberta por unha submedida nunca poderá exceder o 10 % da superficie suxeita a esta ao inicio do compromiso.

d) Non implantar cultivos nas superficies con pendentes maiores do 10 %, excepto para establecer pasteiros ou rexenerar o pasto.

e) A superficie de millo e outros cultivos forraxeiros (distintos de prados de menos de 5 anos) será menor ou igual ao 20 % da superficie forraxeira da explotación.

f) O pastoreo ocupará polo menos o 70 % da superficie de prados e pastos permanentes da explotación.



g) Manter actualizado un caderno de explotación co rexistro das actuacións de pastoreo. Este caderno terá o contido que se indica no anexo XI.

2. Para o cálculo da superficie indemnizable só se considerará a superficie forraxeira situada no concello da explotación ou limítrofes e que sexa obxecto destes compromisos. Para este cálculo non se computarán:

a) As superficies de uso en común.

b) As superficies de interese ecolóxico indicadas no artigo 24.2 do Real decreto 1075/2014, do 19 de decembro.

3. Na superficie de pastos arbustivos e pastos arborados aplicarase un coeficiente reductor de 0,30 ao importe unitario da axuda.

4. Os compromisos non se aplicarán a parcelas fixas senón a nivel de superficie.

Artigo 64. *Duración dos compromisos e solicitude de pagamento*

Os compromisos contraeranse por cinco anos e durante este período non será posible o incremento das superficies comprometidas.

Os beneficiarios deberán presentar anualmente unha solicitude de pagamento dentro da solicitude única de axudas.

Artigo 65. *Importe da axuda*

Establécese unha axuda de 120 €/ha de superficie indemnizable salvo para os pastos arbustivos e pastos arborados que será de 36 €/ha.

Subsección 4ª. Extensificación do vacún de leite

Artigo 66. *Beneficiarios*

Poderán ser beneficiarios desta axuda os agricultores (persoas físicas ou xurídicas ou grupos de persoas físicas ou xurídicas) titulares dunha explotación inscrita no Rexistro de Explotacións Gandeiras (Rega) que cumpran as condicións de elixibilidade e que se comprometan voluntariamente a respectar os compromisos indicados nos artigos seguintes.



Artigo 67. Condicións de elixibilidade

As explotacións beneficiarias deberán recibir o servizo de aconsellamento específico dunha entidade que cumpra o indicado no artigo 48 e non aplicar lodos de depuradora na integridade da superficie da explotación.

Artigo 68. Compromisos

1. As explotacións beneficiarias asumirán os seguintes compromisos:

a) Dispor dun mínimo de 10 ha de superficie forraxeira indemnizable.

b) Manter unha carga gandeira mínima de 0,7 UGM/ha e non superior a 2 UGM/ha.

c) Manter a superficie forraxeira comprometida durante os anos que dure o compromiso. Non obstante, o número de hectáreas ás cales se aplicará un compromiso poderá reducirse, sempre e cando non se comprometa o logro do compromiso; en calquera caso, a redución da superficie cuberta por unha submedida nunca poderá exceder o 10 % da superficie suxeita a esta ao inicio do compromiso.

d) Non implantar cultivos nas superficies con pendentes maiores do 10 %, excepto para establecer pasteiros ou rexenerar o pasto.

e) As UGM correspondentes aos animais de máis de 12 meses de razas bovinas de aptitude eminentemente leiteira deberán ser, polo menos, o 70 % do total de UGM da explotación.

f) A superficie de millo e outros cultivos forraxeiros (distintos de prados de menos de 5 anos) será menor ou igual ao 25 % da superficie forraxeira da explotación (excluíndo o pasto arbustivo e o pasto con arboredo).

g) O pastoreo ocupará polo menos o 50 % da superficie de prados (temporais e permanentes) da explotación.

h) Manter actualizado un caderno de explotación co rexistro das actuacións de pastoreo. Este caderno terá o contido que se indica no anexo XI.



2. Para o cálculo da superficie indemnizable só se considerará a superficie forraxeira situada no concello da explotación ou limítrofes e que sexa obxecto destes compromisos. Para este cálculo non se computarán:

a) As superficies de pastos arbustivos e pastos arborados.

b) As superficies de uso en común.

c) As superficies de interese ecolóxico indicadas no artigo 24.2 do Real decreto 1075/2014, do 19 de decembro.

2. Os compromisos non se aplicarán a parcelas fixas senón a nivel de superficie.

Artigo 69. *Duración dos compromisos*

Os compromisos contraeranse por cinco anos e durante este período non será posible o incremento das superficies comprometidas.

Os beneficiarios deberán presentar anualmente unha solicitude de pagamento dentro da solicitude única de axudas.

Artigo 70. *Importe da axuda*

Establécese unha axuda de 170 €/ha de superficie indemnizable.

Subsección 5ª. Criterios de prioridade

Artigo 71. *Criterios de priorización*

1. Os criterios de prioridade que se aplicarán son os seguintes:

a) Solicitantes cuxas explotacións teñan polo menos o 30 por cento da superficie ou dos animais, no caso de non dispoñer de superficie, en concellos de montaña identificados como tal no anexo V desta orde: 2 puntos. Este criterio non se aplica no caso da apicultura para a conservación da biodiversidade en zonas con limitacións naturais.

b) Solicitantes cuxas explotacións teñan polo menos o 30 por cento da superficie ou dos animais ou colmeas, no caso de non dispoñer de superficie, en Rede Natura 2000: 1 punto.



2. No caso de igualdade de puntos terán preferencia os solicitantes con menor proporción de superficie declarada de pastos arbustivos e arborados sobre a superficie total da explotación. Se se produce un empate na dita proporción, terán preferencia os solicitantes con maior número de unidades comprometidas.

Sección 3ª. Agricultura ecolóxica

Artigo 72. Ámbito de aplicación

1. Estas axudas concederanse aos agricultores que se comprometan voluntariamente a realizar operacións consistentes en compromisos relacionados coa agricultura ecolóxica. As axudas compensarán os custos adicionais e as perdas de ingresos como consecuencia dos compromisos subscritos.

2. Os compromisos de agricultura ecolóxica a que se poderán acoller os agricultores polas unidades de produción (superficies ou colmeas) da súa explotación localizadas na Comunidade Autónoma de Galicia son:

- a) Conversión á agricultura ecolóxica
- b) Mantemento de agricultura ecolóxica

Artigo 73. Incompatibilidades

Os compromisos indicados no artigo anterior son incompatibles entre si. Por outra banda, estes compromisos respecto ás axudas de agroambiente e clima reguladas na sección 2ª deste capítulo, unicamente serán compatibles co compromiso de razas autóctonas en perigo de extinción.

Subsección 1ª. Conversión á agricultura ecolóxica

Artigo 74. Beneficiarios

1. Poderán ser beneficiarios desta axuda os agricultores (persoas físicas ou xurídicas ou grupos de persoas físicas ou xurídicas) titulares dunha explotación inscrita no correspondente rexistro de explotacións, que reúnan a condición de agricultor activo segundo o establecido no capítulo I do título II do Real decreto 1075/2014, do 19 de decembro, que cumpran as condicións de elixibilidade e se comprometan voluntariamente a respectar os compromisos indicados nos artigos seguintes.



2. En todo caso, só se poderán beneficiar desta axuda os agricultores nos cales todas as unidades de produción (superficies e colmeas) da súa explotación inscritas nos rexistros de operadores de agricultura ecolóxica se encontren en período de conversión e este finalice a partir do 1 de xullo, inclusive, do ano da solicitude de pagamento.

Artigo 75. *Condicións de elixibilidade*

As explotacións beneficiarias deberán recibir o servizo de aconsellamento específico dunha entidade que cumpra o indicado no artigo 48.

Artigo 76. *Compromisos*

1. As explotacións beneficiarias asumirán os seguintes compromisos:

a) Empregar as técnicas de produción ecolóxica establecidas no Regulamento (CE) nº 834/2007 do Consello, do 28 de xuño, sobre produción e etiquetaxe dos produtos ecolóxicos e polo que se derroga o Regulamento (CEE) nº 2092/91, e demais normativa de aplicación durante todo o ano natural.

b) Estar inscrito no correspondente rexistro de operadores de agricultura ecolóxica.

c) Obter a certificación da produción agraria como ecolóxica, de acordo co Regulamento (CE) nº 834/2007 do Consello, do 28 de xuño.

d) Manter a superficie comprometida durante os anos que dure o compromiso. Non obstante, o número de hectáreas ás cales se aplicará un compromiso poderá reducirse, sempre e cando non se comprometa o logro do compromiso; en calquera caso, a redución da superficie cuberta por unha submedida nunca poderá exceder o 10 % da superficie suxeita a esta ao inicio do compromiso.

e) En caso de apicultura ecolóxica manteranse durante os anos que dura o compromiso, as colmeas comprometidas que como mínimo serán 80. Se se dispón de varias alvarizas, a distancia entre as alvarizas do mesmo beneficiario será polo menos de 1 km.

f) Manter actualizado o caderno de explotación exixido en agricultura ecolóxica para os efectos dun control das producións. Este caderno terá o contido que se indica no anexo XI.

2. Os compromisos aplicaranse a parcelas fixas.



Artigo 77. Duración dos compromisos e solicitude de pagamento

1. Os compromisos contraeranse por un período de cinco anos divididos en dous tramos:

a) Conversión á agricultura ecolóxica. Estará suxeito ao establecido nesta subsección e terá unha duración máxima de dous anos en cultivos anuais e pastos e de tres anos en cultivos permanentes distintos de pastos.

b) Mantemento da agricultura ecolóxica. Estará suxeito ao establecido na seguinte subsección e estenderase o número de anos necesarios para completar o período de cinco anos de compromisos.

2. Durante todo o período de compromisos non será posible aumentar as unidades comprometidas.

3. Os beneficiarios deberán presentar anualmente unha solicitude de pagamento dentro da solicitude única de axudas.

Artigo 78. Importe da axuda

1. Establécense distintos importes de axuda por superficie indemnizable, que será aquela en que se respectan os compromisos desta axuda. Non serán indemnizables as seguintes superficies:

a) As superficies de uso en común.

b) As superficies de interese ecolóxico indicadas no artigo 24.2 do Real decreto 1075/2014, do 19 de decembro.

2. Os importes unitarios de axuda son os que se indican a continuación:

a) Agricultura ecolóxica:

1º. Cultivos herbáceos: 245 euros por hectárea de superficie indemnizable.

2º. Froiteiras (pebida e carabuña): 385 euros por hectárea de superficie indemnizable.

3º. Outras froiteiras (castiñeiro, etc.): 165 euros por hectárea de superficie indemnizable.



4º. Hortícolas aire libre: 469 euros por hectárea de superficie indemnizable.

5º. Hortícolas baixo plástico: 600 euros por hectárea de superficie indemnizable.

6º. Viñedo para vinificación: 897 euros por hectárea de superficie indemnizable.

b) Gandaría ecolóxica, considéranse indemnizables as superficies situadas no concello da explotación ou limítrofes, cos seguintes importes por grupo de cultivo:

1º. Prados e cultivos forraxeiros: 331 euros por hectárea de superficie indemnizable.

2º. Pastos arbustivos e arboredos: 99 euros por hectárea de superficie indemnizable.

c) Apicultura ecolóxica:

Establécese unha axuda de 35 euros por colmea en conversión, cun máximo de 80 colmeas por alvariza. Só se computarán as colmeas localizadas en alvarizas que estean a unha distancia de, polo menos, 1 km respecto do resto de alvarizas do mesmo apicultor. Ademais, para seren primables, as coordenadas de localización de cada alvariza figurarán obrigatoriamente na solicitude de pagamento e deberán constar na base de datos oficial do Rega.

Subsección 2ª. Mantemento de agricultura ecolóxica

Artigo 79. Beneficiarios

Poderán ser beneficiarios desta axuda os agricultores (persoas físicas ou xurídicas ou grupos de persoas físicas ou xurídicas) titulares dunha explotación inscrita no correspondente rexistro de explotacións, que reúnan a condición de agricultor activo segundo o establecido no capítulo I do título II do Real decreto 1075/2014, do 19 de decembro, que cumpran as condicións de elixibilidade e se comprometan voluntariamente a respectar os compromisos indicados nos artigos seguintes.

Artigo 80. Condicións de elixibilidade

As explotacións beneficiarias deberán recibir o servizo de aconsellamento específico dunha entidade que cumpra o indicado no artigo 48.



Artigo 81. Compromisos

1. As explotacións beneficiarias asumirán os seguintes compromisos:

a) Empregar as técnicas de produción ecolóxica establecidas no Regulamento (CE) nº 834/2007 do Consello, do 28 de xuño, e demais normativa de aplicación durante todo o ano natural.

b) Estar inscrito no correspondente rexistro de operadores de agricultura ecolóxica

c) Obter a certificación da produción agraria como ecolóxica, de acordo co Regulamento (CE) nº 834/2007 do Consello, do 28 de xuño.

d) Manter a superficie comprometida durante os anos que dure o compromiso. Non obstante, o número de hectáreas ás cales se aplicará un compromiso poderá reducirse, sempre e cando non se comprometa o logro do compromiso; en calquera caso, a redución da superficie cuberta por unha submedida nunca poderá exceder o 10 % da superficie suxeita a ela ao inicio do compromiso.

e) En caso de apicultura ecolóxica manteranse durante os anos que dura o compromiso, as colmeas comprometidas que como mínimo serán 80. Se se dispón de varias alvarizas, a distancia entre as alvarizas do mesmo beneficiario será polo menos de 1 km.

f) Manter actualizado o caderno de explotación exixido en agricultura ecolóxica para os efectos dun control das producións. Este caderno terá o contido que se indica no anexo XI.

2. Os compromisos aplicaranse a parcelas fixas.

Artigo 82. Duración dos compromisos e solicitude de pagamento

Os compromisos contraeranse por un período de cinco anos. Durante este período non será posible aumentar as unidades comprometidas.

Os beneficiarios deberán presentar anualmente unha solicitude de pagamento dentro da solicitude única de axudas.



Artigo 83. *Importe da axuda*

1. Establécense distintos importes de axuda por hectárea de superficie indemnizable, que será aquela en que se respectan os compromisos desta axuda. Non serán indemnizables as seguintes superficies:

a) As superficies de uso en común.

b) As superficies de interese ecolóxico indicadas no artigo 24.2 do Real decreto 1075/2014, do 19 de decembro.

2. Os importe unitarios de axuda son os que se indican a continuación:

a) Agricultura ecolóxica:

1º. Cultivos herbáceos: 213 euros por hectárea de superficie indemnizable.

2º. Froiteiras (pebida e carabuña): 335 euros por hectárea de superficie indemnizable.

3º. Outras froiteiras (castiñeiro, etc.): 143 euros por hectárea de superficie indemnizable.

4º. Hortícolas aire libre: 408 euros por hectárea de superficie indemnizable.

5º. Hortícolas baixo plástico: 560 euros por hectárea de superficie indemnizable.

6º. Viñedo para vinificación: 780 euros por hectárea de superficie indemnizable.

b) Gandaría ecolóxica, considéranse indemnizables as superficies situadas no concello da explotación ou limitrofes cos seguintes importes por grupo de cultivo:

1º. Prados e cultivos forraxeiros: 288 euros por hectárea indemnizable.

2º. Pastos arbustivos e arboredos: 86 euros por hectárea indemnizable.

c) Apicultura ecolóxica

Establécese unha axuda de 30 € por colmea, con un máximo de 80 colmeas por alvariza. Só se computarán as colmeas localizadas en alvarizas que estean a unha distancia de, polo menos, 1 km respecto do resto de alvarizas do mesmo apicultor. Ademais, para seren primables, as coordenadas de localización de cada alvariza figurarán obrigatoriamente na solicitude de pagamento e deberán constar na base de datos oficial do Rega.



*Subsección 3ª. Criterios de prioridade**Artigo 84. Criterios de priorización*

1. Os criterios de prioridade que se aplicarán son os seguintes:

a) Solicitantes cuxas explotacións teñan polo menos o 30 por cento da superficie ou dos animais ou colmeas, no caso de non dispoñer de superficie, en concellos de montaña identificados como tal no anexo V desta orde: 2 puntos.

b) Solicitantes cuxas explotacións teñan polo menos o 30 por cento da superficie ou dos animais ou colmeas, no caso de non dispoñer de superficie, en Rede Natura 2000: 1 punto.

2. No caso de igualdade de puntos terán preferencia os solicitantes con menor proporción de superficie declarada de pastos arbustivos e arborados sobre a superficie total da explotación. Se se produce un empate na dita proporción, terán preferencia os solicitantes con maior número de unidades comprometidas.

Disposición adicional primeira. Dotación orzamentaria

A concesión destas axudas realizarase con cargo aos orzamentos de gastos do Fogga e da Dirección Xeral de Ordenación e Producción Forestal conforme os orzamentos xerais da Comunidade Autónoma para 2016, nas seguintes aplicacións orzamentarias:

1. Para as axudas especificadas no título II desta orde:

a) Aplicación 13.80.713F.779.0, superficies e intervención de mercado por importe de cen mil (100.000) euros.

b) Aplicación 13.80.713F.779.1, primas gandeiras, por importe de corenta e tres millóns setecentos dezaseis mil catrocentos dezanove (43.716.419) euros.

2. Para as axudas especificadas no título III desta orde:

a) Aplicación 13.20.713B.770.0, compromisos da anualidade 2016 das primas anuais de mantemento xa concedidas e asociadas ás axudas de forestación de terras non agrícolas por importe de cincocentos trinta e seis mil novecentos dous con sesenta e seis (536.902,66) euros.



b) Aplicación 13.80.712B.772.1:

1º. Pagamentos a zonas con limitacións naturais, por importe de vinte millóns (20.000.000) de euros.

2º. Compromisos para o exercicio 2016 nas axudas relativas á medida de agroambiente e clima, por importe de nove millóns setecentos sesenta e sete mil cincocentos vinte con oitenta e catro (9.767.520,84) euros.

3º. Compromisos para o exercicio 2016 nas axudas relativas á medida de agricultura ecolóxica, por importe dun millón cincocentos corenta e oito mil setenta e catro con vinte e tres (1.548.074,23) euros.

4º. Axudas da medida de agroambiente e clima (novos compromisos), por importe de catrocenos noventa e un mil setecentos sete con dezaseis (491.707,16) euros no ano 2016; para o ano 2017, catro millóns catrocenos vinte e cinco mil trescentos sesenta e catro con corenta e catro (4.425.364,44) euros; para o ano 2018, catro millóns novecenos dezasete mil setenta e un con sesenta (4.917.071,60) euros; para o ano 2019, catro millóns novecenos dezasete mil setenta e un con sesenta (4.917.071,60) euros; para o ano 2020, catro millóns novecenos dezasete mil setenta e un con sesenta (4.917.071,60) euros; e para o ano 2021, catro millóns novecenos dezasete mil setenta e un con sesenta (4.917.071,60) euros.

5º. Axudas da medida de agricultura ecolóxica (novos compromisos), por importe de douscentos cincuenta mil (250.000,00) euros no ano 2016; para o ano 2017, dous millóns douscentos cincuenta mil (2.250.000,00) euros; para o ano 2018, dous millóns cincocentos mil (2.500.000,00) euros; para o ano 2019, dous millóns cincocentos mil (2.500.000,00) euros; para o ano 2020, dous millóns cincocentos mil (2.500.000,00) euros; e para o ano 2021, dous millóns cincocentos mil (2.500.000,00) euros.

Disposición adicional segunda. *Incremento das dotacións previstas*

As dotacións orzamentarias indicadas na disposición anterior poderán incrementarse, se for procedente, con outros fondos do Feaga e do Feader, dos orzamentos xerais do Estado e da Comunidade Autónoma. Nese suposto tramitarase o oportuno expediente de xeración, ampliación ou transferencia de crédito. En todo caso, a concesión das axudas estará limitada ás dispoñibilidades orzamentarias.



Disposición adicional terceira. *Pagamentos no exercicio 2017*

A concesión e pagamentos das axudas previstas nesta orde que se teñan que efectuar no exercicio seguinte realizaranse con cargo ao proxecto de orzamentos de gastos do Fogga e da Dirección Xeral de Ordenación e Producción Forestal dese exercicio, nas aplicacións orzamentarias sinaladas na disposición adicional primeira.

Disposición adicional cuarta. *Participación das oficinas agrarias comarcais*

As oficinas agrarias comarcais colaborarán na tramitación das axudas referidas ás explotacións agrarias sitas no seu ámbito de actuación.

Disposición adicional quinta. *Normativa de aplicación*

En todo o non previsto nesta orde deberá respectarse a normativa comunitaria de aplicación e a normativa estatal de transposición, entre outras, as seguintes disposicións:

a) Regulamento (UE) nº 1305/2013 do Parlamento Europeo e do Consello, do 17 de decembro, relativo á axuda ao desenvolvemento rural a través do Fondo Europeo Agrícola de Desenvolvemento Rural (Feader) e polo que se derroga o Regulamento (CE) nº 1698/2005 do Consello.

b) Regulamento (UE) nº 1307/2013 do Parlamento Europeo e do Consello, do 17 de decembro, polo que se establecen normas aplicables aos pagamentos directos aos agricultores en virtude dos réximes de axuda incluídos no marco da política agrícola común e polo que se derrogan os regulamentos (CE) nº 637/2008 e (CE) nº 73/2009 do Consello.

c) Regulamento (UE) nº 1306/2013 do Parlamento Europeo e do Consello, do 17 de decembro, sobre o financiamento, xestión e seguimento da política agrícola común, polo que se derrogan os regulamentos (CE) nº 352/78, (CE) nº 165/94, (CE) nº 2799/98, (CE) nº 814/2000, (CE) nº 1290/2005 e (CE) nº 485/2008 do Consello.

d) Real decreto 1075/2014, do 19 de decembro, sobre a aplicación a partir de 2015 dos pagamentos directos á agricultura e á gandería e outros réximes de axuda, así como sobre a xestión e control dos pagamentos directos e dos pagamentos ao desenvolvemento rural.

e) Real decreto 1076/2014, do 19 de decembro, sobre asignación de dereitos de réxime de pagamento básico da política agrícola común.



f) Real decreto 1077/2014, do 19 de decembro, polo que se regula o Sistema de información xeográfica de parcelas agrícolas.

g) Real decreto 1078/2014, do 19 de decembro, polo que se establecen as normas da condicionalidade que deben cumprir os beneficiarios que reciban pagamentos directos, determinadas primas anuais de desenvolvemento rural, ou pagamentos en virtude de determinados programas de apoio ao sector vitivinícola.

Disposición adicional sexta. Normativa de aplicación na tramitación da prima anual de mantemento asociada ás axudas de primeira forestación de terras non agrícolas e para o fomento das frondosas caducifolias

Así mesmo, para os efectos da tramitación da prima anual de mantemento asociada ás axudas de primeira forestación de terras non agrícolas e ás axudas para o fomento das frondosas caducifolias tamén será de aplicación o establecido nas correspondentes bases reguladoras que se citan de seguido:

a) Orde do 9 de maio de 2007 pola que se establecen as bases e se convocan para o ano 2007 as axudas para o fomento das frondosas caducifolias (DOG nº 93, do 15 de maio).

b) Orde do 11 de xuño de 2007 pola que se establecen as bases e se convocan para o ano 2007 as axudas para o fomento da primeira forestación de terras non agrícolas (DOG nº 116, do 18 de xuño).

c) Orde do 28 de xaneiro de 2008 pola que se establecen as bases e se convocan para o ano 2008 as axudas para o fomento da primeira forestación de terras non agrícolas (DOG nº 27, do 7 de febreiro).

d) Orde do 30 de xaneiro de 2008 pola que se establecen as bases e se convocan para o ano 2008 as axudas para o fomento das frondosas caducifolias (DOG nº 34, do 18 de febreiro).

e) Orde do 20 de febreiro de 2009 pola que se modifican as bases reguladoras das axudas para o fomento das frondosas caducifolias e se convocan para o exercicio orzamentario 2009 (DOG nº 41, do 27 de febreiro).

f) Orde do 26 de febreiro de 2009 pola que se modifican as bases reguladoras das axudas para o fomento da primeira forestación de terras non agrícolas e se convocan para o exercicio orzamentario 2009 (DOG nº 50, do 12 de marzo).



g) Orde do 17 de xuño de 2011 pola que se establecen as bases reguladoras das axudas, en concorrencia competitiva, para o fomento da primeira forestación de terras non agrícolas, cofinanciadas co Fondo Europeo Agrícola de Desenvolvemento Rural (Feader) no marco do PDR de Galicia 2007-2013, e se convocan para o ano 2011 (DOG nº 123, do 28 de xuño).

h) Orde do 10 de setembro de 2013 pola que se establecen as bases reguladoras das axudas, en concorrencia competitiva, para o fomento da primeira forestación de terras non agrícolas, cofinanciadas co Fondo Europeo Agrícola de Desenvolvemento Rural (Feader) no marco do PDR de Galicia 2007/2013, e se convocan para o ano 2013 (DOG nº 177, do 17 de setembro).

Disposición adicional sétima. *Obrigas de información*

Ademais da documentación complementaria que, durante a tramitación do procedemento, lles poidan exixir os órganos competentes para a xestión de cada axuda ou prima, os solicitantes das axudas previstas nesta orde teñen a obriga de facilitar toda a información que lles sexa requirida polo Servizo de Auditoría Interna dos fondos agrarios europeos do organismo pagador, pola Intervención Xeral da Comunidade Autónoma, polo Tribunal de Contas e polo Consello de Contas, no exercicio das funcións de fiscalización e control do destino das axudas públicas, así como a que lles sexa solicitada por calquera órgano comunitario de inspección ou control.

Disposición adicional oitava. *Reintegro de axudas e pagamentos indebidos*

Aos beneficiarios das axudas reguladas nesta orde seralles de aplicación o réxime de reintegro, así como o réxime de infraccións e sancións previsto na Lei 9/2007, do 13 de xuño, de subvencións de Galicia.

Disposición adicional novena. *Publicidade das axudas*

Nos termos establecidos no artigo 15 da Lei 9/2007, do 13 de xuño, de subvencións de Galicia, o Fogga publicará no DOG as axudas concedidas excepto no suposto previsto no artigo 15.2.c) en que poderán utilizarse outros procedementos para darlles publicidade. En calquera caso, todas as axudas concedidas publicaranse na páxina web da Consellería do Medio Rural, nos termos previstos no artigo 13.4 da Lei 4/2006, do 30 de xuño, de transparencia e boas prácticas na Administración pública galega.



Disposición adicional décima. *Modelos normalizados*

A sede electrónica da Xunta de Galicia ten á disposición das persoas interesadas unha serie de modelos normalizados dos trámites máis comunmente utilizados na tramitación administrativa, que poderán ser presentados en calquera dos lugares e rexistros establecidos no artigo 38.4 da Lei 30/1992, do 26 de novembro, de réxime xurídico das administracións públicas e do procedemento administrativo común.

Disposición derogatoria única

Quedan derogadas todas as disposicións de igual rango ou inferior a esta orde en todo aquilo en que non estean de acordo co establecido nela.

Disposición derradeira primeira. *Habilitación normativa.*

Facúltase a persoa titular da Dirección do Fondo Galego de Garantía Agraria, no ámbito das súas competencias, para ditar as instrucións precisas para a execución desta orde.

Disposición derradeira segunda

Esta orde producirá efectos o mesmo día da súa publicación no *Diario Oficial de Galicia*.

Santiago de Compostela, 29 de xaneiro de 2016

Ángeles Vázquez Mejuto
Conselleira do Medio Rural

ANEXO I

Documentación complementaria

A. Solicitud única. Alegacións e solicitudes de modificación do Sixpac. Solicitud de dereitos de pagamento básico da reserva nacional e cesións de dereitos de pagamento básico.

- a) Fotocopia do DNI do solicitante no caso de persoas físicas que non outorguen a autorización para consultar os datos de identidade na Dirección Xeral da Policía.
- b) Fotocopia do NIF cando o solicitante non sexa persoa física.
- c) Fotocopia do DNI do representante legal cando o solicitante non sexa persoa física.



d) Documentación de autorización de sinatura se o solicitante non é persoa física ou, sendo persoa física, non é quen presenta a solicitude. No caso de persoas físicas, esta documentación consistirá nun documento de autorización asinado polo autorizante e polo autorizado ao que se xuntarán as fotocopias dos DNI en vigor, de ambos os dous.

B. Solicitude única.

Ademais da documentación indicada na letra A deste anexo e da documentación adicional indicada no punto V do anexo VII do Real decreto 1075/2014, do 19 de decembro, presentárase a documentación que se relaciona a continuación:

1. Para as solicitudes con declaración de parcelas:

Certificado da entidade xestora, segundo o modelo do anexo IV-A, no caso de superficies de uso en común onde existan pastos permanentes utilizados conxuntamente por varios produtores. No caso de superficies que xa dispoñen de código, a relación de recintos Sixpac e os tipos de pasto que a compoñen, deberán ser remitidas polo representante da entidade ao Servizo Territorial do Fogga.

2. Para acreditar a condición de agricultor activo:

a) Persoas físicas que non outorguen a autorización para recadar da Axencia Estatal da Administración Tributaria a información fiscal necesaria ou ben para persoas físicas que pertencen a unha integradora de gando:

1º. Declaración do IRPF correspondente ao período impositivo dispoñible máis recente. Se non se fixo nunca a declaración do IRPF, achegarase o impreso de alta censual (modelo 036 ou 037).

2º. Certificación que acredite a procedencia dos rendementos do traballo do declarante, cónxuxe ou de ambos os dous, no caso de que na declaración do IRPF presentada figuren estes.

b) Persoas xurídicas ou grupos de persoas físicas ou xurídicas. De ser o caso, por petición do órgano xestor deberán achegar a documentación xustificativa dos ingresos agrarios declarados na súa solicitude única:

1º. Declaración informativa anual de entidades en réxime de atribución de rendas (S.C. ou C.B.).



2º. Outra documentación acreditativa dos ingresos agrarios do solicitante.

3. Para o pagamento para prácticas agrícolas beneficiosas para o clima e o ambiente.

Certificado que acredite a produción ecolóxica nos recintos declarados con este tipo de produción cando non se outorgue a autorización para consultar os datos de consellos reguladores, marcas de calidade, organismos de control ou entidades asociativas.

4. Pagamento suplementario para os agricultores mozos que comecen a súa actividade agrícola:

1º. Se é o caso, documentación que acredite un nivel de capacitación agraria suficiente

2º. Cando o solicitante non sexa persoa física, documentación que permita verificar que os agricultores mozos exercen o control efectivo da persoa xurídica, é dicir, que a súa participación no capital social é máis da metade do capital social desta e que posúen máis da metade dos dereitos de voto dentro dela.

5. Para as axudas ao desenvolvemento rural:

a) Prima anual de mantemento asociada ás axudas de primeira forestación de terras no agrícolas e ás axudas para o fomento das frondosas caducifolias:

1º. Factura.

2º. Xustificante de pagamento desta.

3º. No caso de que o beneficiario realice os traballos polos seus propios medios, un documento xustificativo de tal circunstancia, no cal figurarán horas de traballo/superficie, custo/hora,... e de posuír a maquinaria empregada na realización dos traballos, xunto cos xustificantes dos gastos polo importe total do investimento.

4º. Declaración doutras axudas segundo o modelo do anexo XII.

b) Pagamentos a zonas con limitacións naturais. No caso das persoas físicas que non teñan a condición de explotación prioritaria:

1º. Declaración do IRPF do ano 2014, ou compromiso de presentar a do ano 2015, se é novo solicitante.



2º. Certificación que acredite a procedencia dos rendementos do traballo do declarante, cónxuxe ou de ambos no caso de que na declaración do IRPF presentada figuren estes.

3º. Informe de vida laboral do solicitante. Non será exigible se o solicitante autoriza o Fogga para solicitar directamente á Tesouraría Xeral da Seguridade Social a certificación ou información suficiente que xustifique tal circunstancia.

Non serán exibibles os documentos anteriores se o solicitante autoriza o Fogga para solicitar directamente á Axencia Estatal da Administración Tributaria e á Tesouraría Xeral da Seguridade Social a certificación ou información necesaria para xustificar a súa condición de agricultor a título principal.

c) Agroambiente e clima e agricultura ecolóxica:

No caso de non autorizar o órgano xestor para realizar as comprobacións oportunas que acrediten a veracidade dos datos, os solicitantes destas axudas deberán achegar a documentación necesaria para acreditar o cumprimento dos requisitos e compromisos aplicables a cada liña de axuda:

1º. Para todas as liñas de axuda: informe dunha entidade inscrita no Rexistro de Entidades con Servizos de Aconsellamento ou Xestión de Galicia (Resaxega) que acredite que o solicitante recibe o aconsellamento especializado.

2º. Razas autóctonas en perigo de extinción:

– Certificado da Asociación Xestora do Libro Xenealóxico Oficial da Raza ou da asociación oficialmente recoñecida que teña como obxectivo a mellora e conservación da raza autóctona en perigo de extinción pola que se solicita a axuda, onde se indica que o solicitante da axuda ten a condición de socio da asociación e a relación de animais pertencentes ao solicitante que están inscritos nos libros ou rexistros correspondentes, con indicación expresa, de ser o caso, da súa identificación individual, data de nacemento e sexo.

– Certificado asinado polo técnico responsable do Programa de mellora xenética de participación do solicitante no citado programa.

3º. Agricultura ecolóxica: certificados do Consello Regulador da Agricultura Ecolóxica de Galicia (Craega) que acrediten a inscrición no correspondente rexistro de operadores de



agricultura ecolóxica así como o respecto das técnicas de produción ecolóxica establecidas no Regulamento (CE) nº 834/2007 e demais normativa de aplicación.

C. Alegacións e solicitudes de modificación do Sixpac.

Ademais da documentación indicada na letra A deste anexo deberase presentar a seguinte documentación en función do tipo de alegación solicitada:

1. Tipos de alegacións.

Tipo	Definición
1	Cambio de uso nun recinto completo
2	Cambio de sistema de explotación (secaño/regadío) para todos os usos Sixpac agás os usos non agrarios nun recinto completo
3	Partición dun recinto para cambiar o uso dunha parte del
4	Partición dun recinto para cambiar o sistema de explotación (secaño/regadío) dunha parte del
5	Existencia de parcela situada en zona urbana que ten uso agrícola
9	Cambio do CAP nun recinto completo de pastos
11	Elementos estruturais: inclusión, eliminación, cambio de tipoloxía e/ou modificación de xeometría
12	Reinicio da actividade agraria nun recinto con cultivo abandonado. Incidencia 117
24	Partición dun recinto de pastos para cambiar o CAP nunha parte del
13	Outras non previstas anteriormente

2. Documentación para cada tipo de alegación.

Tipo de documentación	Obriga de presentala segundo o tipo de alegación
Saída gráfica obtida mediante o visor do Sixpac, delimitando, de ser o caso (mediante un bosquejo acoutado) a superficie afectada pola alegación, con explicación breve do motivo da alegación	Sempre
Acreditación de que os cambios alegados figuran actualmente na Oficina Virtual de Catastro	Para os tipos 2 e 4 se o cambio é de regadío a secaño
Certificado de dereitos de rega ou rexistro de auga expedido pola Administración hidráulica competente	Para os tipos 2 e 4 sempre
Saída gráfica do catastro de urbana coa parcela catastral obxecto da alegación	Para o tipo 5 sempre
Outra documentación xustificativa das alegacións ao Sixpac presentadas que se considere conveniente	



D. Solicitude de dereitos de pagamento básico da reserva nacional.

Ademais da documentación indicada na letra A deste anexo deberase presentar a documentación que se indica no anexo V do Real decreto 1076/2014, do 19 de decembro.

E. Cesións de dereitos de pagamento básico.

Ademais da documentación indicada na letra A deste anexo deberase presentar a documentación necesaria para xustificar o tipo de cesión solicitado de acordo co indicado no anexo VI do Real decreto 1076/2014, do 19 de decembro.

ANEXO II

Razas bovinas de aptitude láctea

Angler Rotvieh (Ageln)-Rød dansk mælkerace (RMD)-German Red-Lithuanian Red
Ayreshire
Armoricaine
Bretonne Pie-noire
Frisona
Groninger Blaarkop
Guernsey
Jersey
Malkeborhorn
Reggiana
Valdostana nera
Itäsuomenkarja
Länsisuomenkarja
Pohjoissuomenkaja
Fleckvieh
Montebeliard
Parda

ANEXO III

Zonas de concentración parcelaria en que se admiten referencias identificativas correspondentes a planos de concentración

Provincia			Concello	Código zona	Nome da zona
15	A Coruña	12	Boqueixón	1	Boqueixón-Granxa II
15	A Coruña	26	Cesuras	2	Borrifáns
15	A Coruña	26	Cesuras	3	Filgueira de Traba
15	A Coruña	26	Cesuras	4	Filgueira de Barranca-Trasanquelos
15	A Coruña	29	Coristanco	1	Couso



Provincia			Concello	Código zona	Nome da zona
15	A Coruña	46	Mazaricos	1	Arcos
15	A Coruña	47	Melide	1	Maceda-Orois
15	A Coruña	48	Mesía	6	Xanceda-Mesía II
15	A Coruña	60	Ordes	2	Beán-Pereira II
15	A Coruña	67	O Pino	7	Monte de Santa María de Budiño
15	A Coruña	80	Santiso	7	Visantofña
15	A Coruña	80	Santiso	8	Novela-Liñares-Pezobrés
15	A Coruña	80	Santiso	9	Niñodaguaia-Serantes (2º sector)
27	Lugo	1	Abadín	5	Fanoi
27	Lugo	2	Alfoz	1	Pereiro-As Oiras
27	Lugo	4	Baleira	3	Fonteo
27	Lugo	4	Baleira	4	Pousada
27	Lugo	4	Baleira	5	A Braña
27	Lugo	10	Castro de Rei	1	Ramil
27	Lugo	10	Castro de Rei	2	San Xiao de Mos
27	Lugo	15	Cospeito	1	Goá
27	Lugo	30	Mondoñedo	1	Zona norte
27	Lugo	30	Mondoñedo	1	Sasdónigas
27	Lugo	54	Riotorto	1	Orrea-Galegos
27	Lugo	63	O Valadouro	2	Frexulfe
32	Ourense	2	Allariz	1	San Vitoiro-Urrós
32	Ourense	21	Cartelle	1	Vilardevacas
32	Ourense	37	Xunqueira de Ambía	2	A Graña
32	Ourense	48	A Merca	1	Faramontaos-Proente
32	Ourense	54	Oimbra	1	Espiño-Videferree
32	Ourense	86	Verín	1	Mandín-Feces
32	Ourense	86	Verín	2	Mourazos-Tamagos-Tamaguelos
36	Pontevedra	13	O Covelo	1	Prado-Godóns
36	Pontevedra	13	O Covelo	2	A Graña-Campo
36	Pontevedra	13	O Covelo	3	Barcia de Mera
36	Pontevedra	24	Lalín	5	Vilatuxe



ANEXO IV-A

**Certificación de aproveitamento de pastos permanentes de uso en común.
Solicitud única de axudas PAC/DR. Campaña 2016**

Don/Dona con DNI
e teléfono, actuando en calidade de secretario/presidente da entidade

(Rísquese o que non proceda)

.....
....., co NIF..... e código de comunal
....., do lugar de, parroquia de
....., concello de

CERTIFICO:

Primeiro:

Que a superficie neta total de pastos permanentes de uso en común no dito comunal é de ha.

Segundo:

Que Don/Dona., co NIF
....., aproveita nesta superficie de uso en común as superficies netas de:

Utilización	Superficie neta (ha) (*)
A. Pasteiros ou prados \geq 5 anos	
B. Pasto arbustivo ou pasto con arboredo	

E para que así conste, e unicamente para os efectos de declaración de pastos permanentes na solicitude única de axudas PAC/DR-2016, expido esta certificación.

..... de de 2016

Sinatura

(*) Superficies de pasto permanente totais individuais, dependendo da porcentaxe que lle corresponda da superficie neta total de pastos en cada utilización.



ANEXO IV-B

**Relación de parcelas ou recintos con pastos permanentes de uso en común.
Axudas PAC/DR. Campaña 2016**

Don/Dona con DNI
e teléfono, actuando en calidade de secretario/presidente da entidade

(Rísquese o que non proceda)

.....
co NIF..... e código de comunal, do lugar de,
parroquia de, concello de

CERTIFICO:

Primeiro:

Que a superficie neta total de pastos permanentes de uso en común no dito comunal é de ha.

Segundo:

Que a relación de recintos Sixpac e o tipo de pastos permanentes en que se descompón esa superficie é:

Referencias identificativas							Propiedades da referencia				Utilización					
N.º orde	Provincia	Concello (catastral)		Tipo ref.	Zona	Polígono	Parcela	Recinto	Sup. total (ha)	Uso Sixpac	Cap. (1)		Sup. admisible (ha)	Sup. sem. total (ha)	Código (2)	Sup. neta (ha) (3)
		Cód.	Nome								Cap. ofi.	Cap. pro.				

Observacións:

(1) CAP = coeficiente de admisibilidade do pasto correspondente ao recinto Sixpac, se o uso do recinto é «PR» ou «PA» expresado en porcentaxe sen decimais.

CAP OFI: valor do CAP oficial do recinto.

CAP PROP: valor do CAP proposto no recinto. De acordo co artigo 19 da orde, revisase esta porcentaxe e, no caso de modificala, anotarase un dos valores seguintes: 25, 35, 45, 55, 65, 75, 85 ou 100.

CVE-DOG: 1ubmt1r3-p8b8-ofn3-itz3-j4hloqytw3h6



(2) Poñer A ou B, sendo:

A = pasteiros ou prados \geq 5 anos.

B = pasto arbustivo ou pasto con arboredo.

(3) No caso de utilización «A», coincidirá coa sup. sem. total.

No caso de utilización «B» na cal non se actualiza o CAP, sup. neta = sup. sem. total \times CAP OFI

No caso de utilización «B» cando se actualiza o CAP PROP, sup. neta = sup. sem. total \times CAP PROP.

En, de de 2016

O representante

Asdo.:

ANEXO V

Zonas desfavorecidas na Comunidade Autónoma de Galicia

Os concellos de Galicia que figuran a continuación están incluídos na lista comunitaria de zonas agrícolas desfavorecidas tal como se definen nos números 3 (zonas de montaña) e 4 (outras zonas desfavorecidas) do artigo 3 da Directiva 75/268/CEE, de acordo coa Directiva do Consello 86/466/CEE, do 14 de xullo de 1986.

Provincia: 15. A Coruña.

Código	Concello	Tipo zona
1503003	Aranga	Montaña
1503006	Arzúa	Outras
1503010	Boimorto	Outras
1503018	Capela, A	Montaña
1501022	Cedeira	Montaña
1503024	Cerceda	Outras
1501025	Cerdido	Montaña
1501027	Coirós	Montaña
1503032	Curtis	Outras
1503038	Frades	Outras
1503039	Irixoa	Outras



Código	Concello	Tipo zona
1501044	Mañón	Montaña
1503046	Melide	Outras
1503047	Mesía	Outras
1503050	Monfero	Montaña
1503059	Ordes	Outras
1503060	Oroso	Outras
1501061	Ortigueira	Montaña
1503066	Pino, O	Outras
1503070	Pontes de García Rodríguez, As	Montaña
1501076	San Sadurniño	Montaña
1503079	Santiso	Outras
1503080	Sobrado	Outras
1503081	Somozas, As	Montaña
1503083	Toques	Outras
1503084	Tordoia	Outras
1503085	Touro	Outras
1503086	Trazo	Outras
1503088	Val do Dubra	Outras
1503090	Vilasantar	Outras
1501901	Cariño	Montaña

Provincia: 27. Lugo.

Código	Concello	Tipo zona
2702001	Abadín	Montaña
2701002	Alfoz	Montaña
2703003	Antas de Ulla	Outras
2704004	Baleira	Montaña
2704006	Becerreá	Montaña
2702007	Begonte	Outras
2705008	Bóveda	Outras
2705009	Carballedo	Montaña
2702010	Castro de Rei	Outras
2703011	Castroverde	Outras



Código	Concello	Tipo zona
2704012	Cervantes	Montaña
2703014	Corgo, O	Outras
2702015	Cospeito	Outras
2705016	Chantada	Montaña
2705017	Folgozo do Courel	Montaña
2704018	Fonsagrada, A	Montaña
2703020	Friol	Outras
2702021	Xermade	Montaña
2702022	Guitiriz	Montaña
2703023	Guntín	Outras
2703024	Incio, O	Montaña
2703026	Láncara	Montaña
2703028	Lugo	Outras
2702029	Meira	Montaña
2701030	Mondoñedo	Montaña
2705031	Monforte de Lemos	Outras
2703032	Monterroso	Outras
2702033	Muras	Montaña
2704034	Navia de Suarna	Montaña
2704035	Negueira de Muñiz	Montaña
2704037	Nogais, As	Montaña
2701038	Ourol	Montaña
2703039	Outeiro de Rei	Outras
2703040	Palas de Rei	Outras
2705041	Pantón	Outras
2703042	Paradela	Montaña
2703043	Páramo, O	Outras
2702044	Pastoriza, A	Outras
2704045	Pedrafita do Cebreiro	Montaña
2702046	Pol	Outras
2705047	Pobra do Brollón, A	Montaña
2701048	Pontenova, A	Montaña
2703049	Portomarín	Outras



Código	Concello	Tipo zona
2705050	Quiroga	Montaña
2705052	Ribas de Sil	Montaña
2702053	Ribeira de Piquín	Montaña
2701054	Riotorto	Montaña
2703055	Samos	Montaña
2703056	Rábade	Outras
2703057	Sarria	Outras
2705058	Saviñao, O	Outras
2705059	Sober	Outras
2705060	Taboada	Outras
2704062	Triacastela	Montaña
2701063	Valadouro, O	Montaña
2702065	Vilalba	Outras
2704901	Baralla	Montaña

Provincia: 32. Ourense.

Código	Concello	Tipo zona
3201001	Allariz	Outras
3201002	Amoeiro	Outras
3201003	Arnoia, A	Montaña
3201004	Avión	Montaña
3203005	Baltar	Montaña
3203006	Bande	Montaña
3203007	Baños de Molgas	Outras
3201008	Barbadás	Outras
3202009	Barco de Valdeorras, O	Montaña
3201010	Beade	Outras
3201011	Beariz	Montaña
3203012	Blancos, Os	Montaña
3201013	Boborás	Outras
3201014	Bola, A	Outras



Código	Concello	Tipo zona
3202015	Bolo, O	Montaña
3203016	Calvos de Randín	Montaña
3202017	Carballeda de Valdeorras	Montaña
3201018	Carballeda de Avia	Outras
3201019	Carballiño, O	Outras
3201020	Cartelle	Outras
3203021	Castrelo do Val	Montaña
3201022	Castrelo de Miño	Outras
3202023	Castro Caldelas	Montaña
3201024	Celanova	Outras
3201025	Cenlle	Outras
3201026	Coles	Outras
3201027	Cortegada	Outras
3203028	Cualedro	Montaña
3202029	Chandrexa de Queixa	Montaña
3203030	Entrimo	Montaña
3201031	Esgos	Montaña
3203032	Xinzo de Limia	Outras
3201033	Gomesende	Montaña
3202034	Gudiña, A	Montaña
3201035	Irixo, O	Montaña
3203036	Xunqueira de Ambía	Outras
3201037	Xunqueira de Espadanedo	Montaña
3202038	Larouco	Montaña
3203039	Laza	Montaña
3201040	Leiro	Otras
3203041	Lobeira	Montaña
3203042	Lobios	Montaña
3203043	Maceda	Montaña
3202044	Manzaneda	Montaña



Código	Concello	Tipo zona
3201045	Maside	Otras
3201046	Melón	Montaña
3201047	Merca, A	Otras
3202048	Mezquita, A	Montaña
3202049	Montederramo	Montaña
3203050	Monterrei	Montaña
3203051	Muíños	Montaña
3201052	Nogueira de Ramuín	Montaña
3203053	Oímbra	Montaña
3201054	Ourense	Otras
3201055	Paderne de Allariz	Otras
3201056	Padrenda	Montaña
3202057	Parada de Sil	Montaña
3201058	Pereiro de Aguiar, O	Otras
3201059	Peroxa, A	Montaña
3202060	Petín	Montaña
3201061	Piñor	Montaña
3203062	Porqueira	Otras
3202063	Pobra de Trives, A	Montaña
3201064	Pontedeva	Otras
3201065	Punxín	Otras
3201066	Quintela de Leirado	Montaña
3203067	Rairiz de Veiga	Montaña
3201068	Ramirás	Otras
3201069	Ribadavia	Otras
3202070	San Xoán de Río	Montaña
3203071	Riós	Montaña
3202072	Rúa, A	Montaña
3202073	Rubiá	Montaña
3201074	San Amaro	Otras



Código	Concello	Tipo zona
3201075	San Cibrao das Viñas	Outras
3201076	San Cristovo de Cea	Outras
3203077	Sandiás	Outras
3203078	Sarreaus	Outras
3201079	Taboadela	Outras
3202080	Teixeira, A	Montaña
3201081	Toén	Outras
3203082	Trasmiras	Outras
3202083	Veiga, A	Montaña
3203084	Verea	Montaña
3203085	Verín	Montaña
3202086	Viana do Bolo	Montaña
3201087	Vilamarín	Outras
3202088	Vilamartín de Valdeorras	Montaña
3203089	Vilar de Barrio	Montaña
3203090	Vilar de Santos	Outras
3203091	Vilardevós	Montaña
3202092	Vilariño de Conso	Montaña

Provincia: 36. Pontevedra.

Código	Concello	Tipo zona
3604001	Arbo	Montaña
3603007	Campo Lameiro	Montaña
3603009	Cañiza, A	Montaña
3601011	Cerdedo	Montaña
3603012	Cotobade	Montaña
3603013	Covelo	Montaña
3604014	Crecente	Montaña
3601015	Cuntis	Outras
3601016	Dozón	Montaña



Código	Concello	Tipo zona
3601017	Estrada, A	Outras
3601018	Forcarei	Montaña
3603019	Fornelos	Montaña
3601020	Agolada	Outras
3601024	Lalín	Outras
3603025	Lama, A	Montaña
3604030	Mondariz	Montaña
3604034	Neves, As	Montaña
3603037	Pazos de Borbén	Montaña
3603043	Ponte Caldelas	Montaña
3601047	Rodeiro	Outras
3601052	Silleda	Outras
3601059	Vila de Cruces	Outras

ANEXO VI

Requisitos legais de xestión

Ámbito	Aspecto principal	Requisitos		Normas nacionais de referencia
Ambiente, cambio climático, boas condicións agrícolas da terra	Auga	RLX 1 Directiva 91/676/CEE do Consello, do 12 de decembro de 1991, relativa á protección das augas contra a contaminación producida por nitratos procedentes de fontes agrarias (DO L 375 do 31.12.1991, p. 1).	Artigos 4 e 5: cumprimento das medidas establecidas nos programas de actuación, nas explotacións agrícolas e gandeiras situadas en zonas declaradas pola Comunidade Autónoma como zonas vulnerables.	Real decreto 261/1996, do 16 de febreiro, sobre protección das augas contra a contaminación producida polos nitratos procedentes de fontes agrarias.
	Biodiversidade	RLX 2 Directiva 2009/147/CE do Parlamento Europeo e do Consello, do 30 de novembro de 2009, relativa á conservación das aves silvestres (DO L 20 do 26.1.2010, p. 7).	Artigo 3, número 1, artigo 3, número 2, letra b), e artigo 4, números 1, 2 e 4. Preservar os espazos que constitúen os hábitats naturais das especies de aves migratorias, ameazadas e en perigo de extinción.	Lei 42/2007, do 13 de decembro, do patrimonio natural e a biodiversidade. Real decreto 1997/1995, do 7 de decembro, polo que se establecen medidas para contribuir a garantir a biodiversidade mediante a conservación dos hábitats naturais e da fauna e flora silvestres.
		RLX 3 Directiva 92/43/CEE do Consello, do 21 de maio de 1992, relativa á conservación dos hábitats naturais e da fauna e flora silvestres (DO L 206 do 22.7.1992, p. 7).	Artigo 6, números 1 e 2: conservación de hábitats e especies da Rede Natura 2000.	Lei 42/2007, do 13 de decembro, do patrimonio natural e da biodiversidade. Real decreto 1997/1995, do 7 de decembro, polo que se establecen medidas para contribuir a garantir a biodiversidade mediante a conservación dos hábitats naturais e da fauna e flora silvestres.



Ámbito	Aspecto principal	Requisitos		Normas nacionais de referencia
Saúde pública, sanidade animal e fitosanidade	Seguridade alimentaria	RLX 4 Regulamento (CE) nº 178/2002 del Parlamento Europeo e do Consello, do 28 de xaneiro de 2002, polo que se establecen os principios e os requisitos xerais da lexislación alimentaria, se crea a Autoridade Europea de Seguridade Alimentaria e se fixan procedementos relativos á seguridade alimentaria (DO L 31 do 1.2.2002, p. 1).	Artigos 14 e 15, artigos 17, número 1*, e artigos 18, 19 e 20. Art. 14: os produtos da explotación destinados a seren comercializados como alimentos deben seren seguros. Art. 15: comprobar que nas explotacións gandeiras destinadas á produción de alimentos non existen nin se lles dá aos animais pensos que non sexan seguros. Art. 17(1) (*): sobre hixiene dos produtos alimentarios e dos pensos (desenvolvido polos regulamentos (CE) nº 852/2004 e 183/2005, e sobre hixiene dos produtos de orixe animal (desenvolvido polo Regulamento (CE) nº 853/2004). Art. 18: rastrexabilidade. Identificación dos operadores que subministraron a unha explotación pensos, alimentos, animais para produción de alimentos, ou substancias destinadas a seren incorporadas a un penso ou a un alimento e identificación dos operadores aos cales a explotación subministró os seus produtos. Art. 19 e 20: responsabilidades dos explotadores de empresas de pensos/alimentos.	Real decreto 821/2008, do 16 de maio, polo que se regulan as condicións de aplicación da normativa comunitaria en materia de hixiene de pensos e se establece o Rexistro Xeral de Establecementos no Sector de Alimentación Animal: no referente as obrigas que se deriven da normativa comunitaria específica. Real decreto 1311/2012, do 14 de setembro, polo que se establece o marco de actuación para conseguir un uso sustentable dos produtos fitosanitarios. Orde APA/326/2007, do 9 de febreiro, pola que se establecen as obrigas dos titulares de explotacións agrícolas e forestais en materia de rexistro da información sobre o uso de produtos fitosanitarios.
		RLX 5 Directiva 96/22/CE do Consello, do 29 de abril de 1996, pola que se prohibe utilizar determinadas substancias de efecto hormonal e tiroestático e substancias β -agonistas na cría de gando (DO L 125 de 23.5.1996, p.3).	Artigo 3, letras a), b), d) e e) e artigos 4, 5 e 7: comprobar que non hai na explotación, salvo que exista unha información, substancias non autorizadas, non administrar as ditas substancias aos animais (salvo as excepcións para os tratamentos zootécnicos ou terapéuticos) e non comercializar animais aos cales se lles subministrasen substancias ou produtos non autorizados e no caso de administración de produtos autorizados que se respectara o prazo de espera prescrito para os ditos produtos.	Real decreto 2178/2004, do 12 de novembro, polo que prohibe utilizar determinadas substancias de efecto hormonal e tiroestático e substancias beta-agonistas de uso na cría de gando.



Ámbito	Aspecto principal	Requisitos		Normas nacionais de referencia
	Identificación e rexistro de animais	<p>RLX 6 Directiva 2008/71/CE do Consello, do 15 de xullo de 2008, relativa á identificación e ao rexistro de porcos (DO L 213 do 8.8.2005, p. 31).</p>	<p>Artigos 3, 4 e 5.</p> <p>Art. 3: rexistro de explotacións porcinas por parte dos Estados membros.</p> <p>Art. 4: condicións dos rexistros das explotacións de animais da especie porcina.</p> <p>Art. 5: requisitos de identificación e do movemento de animais da especie porcina.</p>	<p>Real decreto 205/1996, do 9 de febreiro, polo que se establece un sistema de identificación e rexistro dos animais das especies bovina, porcina, ovina y cabrúa.</p> <p>Real decreto 479/2004, do 26 de marzo, polo que se establece e regula o Rexistro Xeral de Explotacións Gandeiras.</p> <p>Real decreto 728/2007, do 13 de xuño, polo que se establece e regula o Rexistro Xeral de Movementos de Gando e o Rexistro Xeral de Identificación Individual de Animais.</p>
		<p>RLX 7 Regulamento (CE) nº 1760/2000 do Parlamento Europeo e do Consello, do 17 de xullo de 2000, que establece un sistema de identificación e rexistro dos animais da especie bovina e relativo á etiquetaxe da carne de vacún e dos produtos a base de carne de vacún (DO L 204 de 11.8.2000, p. 1).</p>	<p>Artigos 4 e 7</p> <p>Art. 4: requisitos e condicións da marcación auricular da especie bovina.</p> <p>Art. 7: requisitos e condicións do pasaporte e do rexistro de animais da especie bovina.</p>	<p>Real decreto 1980/1998, do 18 de setembro, polo que se establece un sistema de identificación e rexistro dos animais da especie bovina.</p> <p>Real decreto 479/2004, do 26 de marzo, polo que se establece e regula o Rexistro Xeral de Explotacións Gandeiras.</p> <p>Real decreto 728/2007, do 13 de xuño, polo que se establece e regula o Rexistro Xeral de Movementos de Gando e o Rexistro Xeral de Identificación Individual de Animais.</p> <p>Orde ARM/687/2009, do 11 de marzo, pola que se modifica o anexo XI do Real decreto 728/2007.</p>
		<p>RLX 8 Regulamento (CE) nº 21/2004 do Consello, do 17 de decembro de 2003, polo que se establece un sistema de identificación e rexistro dos animais das especies ovina e cabrúa (DO L 5 do 9.1.2004, p. 8).</p>	<p>Artigos 3, 4 e 5: comprobar a correcta identificación e rexistro do gando ovino-cabrún.</p>	<p>Real decreto 479/2004, do 26 de marzo, polo que se establece e regula o Rexistro Xeral de Explotacións Gandeiras.</p> <p>Real decreto 685/2013, do 16 de setembro, polo que se establece un sistema de identificación e rexistro dos animais das especies ovina e cabrúa.</p> <p>Real decreto 728/2007, do 13 de xuño, polo que se establece e regula o Rexistro Xeral de Movementos de Gando e o Rexistro Xeral de Identificación Individual de Animais.</p>

CVE-DOG: 1ubmt1r3-p8b8-ofh3-itz5-j4hloqy3h6



Ámbito	Aspecto principal	Requisitos		Normas nacionais de referencia
	Enfermidades animais	RLX 9 Regulamento (CE) nº 99/2001 do Parlamento Europeo e do Consello, do 22 de maio de 2001, polo que se establecen disposicións para a prevención, o control e a erradicación de determinadas encefalopatías esponxiformes transmisibles (DO L 147 do 31.5.2001, p. 1).	Artigos 7, 11, 12, 13 e 15 Art. 7: respectar as prohibicións en materia de alimentación dos animais. Art. 11: cumprimento na notificación de encefalopatías esponxiformes transmisibles. Art. 12: adopción das medidas relativas aos animais sospeitosos. Art. 13: adopción das medidas conseguintes á confirmación da presenza de encefalopatías esponxiformes transmisibles. Art. 15: posta no mercado de animais vivos, esperma, os seus óvulos e embrións.	Lei 8/2003, do 24 de abril, de sanidade animal: no referente ás obrigas que deriven das disposicións da normativa comunitaria específica.
	Produtos fitosanitarios	RLX 10 Regulamento (CE) nº 1107/2009 do Parlamento Europeo e do Consello, do 21 de outubro de 2009, relativo á comercialización de produtos fitosanitarios e polo que se derrogan as directivas 79/117/CEE y 91/414/CEE do Consello (DO L 309 do 24.11.2009, p. 1).	Os produtos fitosanitarios empregaranse axeitadamente. A utilización axeitada incluírá a aplicación dos principios de boas prácticas fitosanitarias e o cumprimento das condicións establecidas na autorización de comercialización do produto fitosanitario e especificadas na etiqueta.	Lei 43/2002, do 20 de novembro, de sanidade vexetal, no referente ás obrigas que deriven das disposicións da normativa comunitaria específica.
Benestar animal	Benestar animal	RLX 11 Directiva 2008/119/CE do Consello, do 18 de decembro de 2008, relativa ás normas mínimas para a protección de xatos (DO L 10 do 15.1.2009, p. 7).	Artigos 3 e 4: condicións das explotacións de xatos e relativas á cría.	Lei 32/2007, do 7 de novembro, para o coidado dos animais, na súa explotación, transporte, experimentación e sacrificio: no referente ás obrigas que deriven das disposicións da normativa comunitaria específica. Real decreto 1047/1994, do 20 de maio, relativa ás normas mínimas para a protección de xatos.
		RLX 12 Directiva 2008/120/CE do Consello, do 18 de decembro de 2008, relativa ás normas mínimas para a protección de porcos (DO L 47 do 18.2.2009, p. 5).	Artigos 3 e 4: condicións das explotacións de porcos e relativas á cría.	Lei 32/2007, do 7 de novembro, para o coidado dos animais, na súa explotación, transporte, experimentación e sacrificio: no referente ás obrigas que deriven das disposicións da normativa comunitaria específica. Real decreto 1135/2002, do 31 de outubro, relativa ás normas mínimas para a protección de porcos.



Ámbito	Aspecto principal	Requisitos		Normas nacionais de referencia
		RLX 13 Directiva 98/58/CE do Consello, do 20 de xullo de 1998, relativa á protección dos animais nas explotacións gandeiras (DO L 221 do 8.8.1998, p. 23).	Artigo 4: condicións de cría e mantemento de animais.	Lei 32/2007, do 7 de novembro, para o coidado dos animais, na súa explotación, transporte, experimentación e sacrificio: no referente ás obrigas que deriven das disposicións da normativa comunitaria específica. Real decreto 348/2000, do 10 de marzo, polo que se incorpora ao ordenamento xurídico a Directiva 98/58/CE, relativa á protección dos animais nas explotacións gandeiras.

* Na súa aplicación, en particular, en virtude de:

- Artigo 14 do R. 470/2009 e anexo do R. 37/2010.
- Regulamento (CE) nº 852/2004: artigo 4, número 1, e anexo I, parte A [II.4 letras g), h), j); 5, letras f) e h); 6; III.8, letras a), b), d) e e); 9, letras a) e c)].
- Regulamento (CE) nº 853/2004: artigo 3, número 1, e anexo III, sección IX, capítulo 1 [I.1, letras b), c), d) e e); I.2, letra a), incisos i), ii), iii), letra b), incisos i) e ii), e letra c); I.3; I.4; I.5; II.A, números 1, 2, 3, 4; II.B, 1, letras a) e d); 2, 4, letras a) e b)], anexo III, sección X, capítulo 1.1.
- Regulamento (CE) nº 183/2005: artigo 5, número 1, e anexo I, parte A [I.4, letras e) e g); II.2, letras a), b) e e)]; artigo 5, número 5, e anexo III, números 1 e 2; artigo 5, número 6.
- Regulamento (CE) nº 396/2005: artigo 18.

ANEXO VII

Boas condicións agrarias e ambientais da terra

Ámbito de ambiente, cambio climático e boa condición agrícola da terra.

1. Aspecto principal: auga.

- BCAM 1. Creación de franxas de protección nas marxes dos ríos.

Nas marxes dos ríos, lagos e lagoas, consideradas a partir da ribeira, non se poderán aplicar fertilizantes nunha franxa cuxo largo será o recollido no Código de boas prácticas agrarias ou outra normativa da Comunidade Autónoma. Ademais, nas ditas franxas respectaranse, se é o caso, o resto de requisitos relativos ás condicións de aplicación de fertilizantes a terras próximas a cursos de auga a que se refire o punto A4 do anexo II da Directiva 91/676/CEE do Consello, do 12 de decembro de 1991, relativa á protección das augas contra a contaminación producida por nitratos utilizados na agricultura.




Para efectos do parágrafo anterior, considerarase a definición de fertilizantes da alínea e) do artigo 2 da Directiva 91/676/CEE do Consello, do 12 de decembro de 1991.

De igual modo, nas marxes referidas non se poderán aplicar produtos fitosanitarios nunha franxa de 5 metros de largo sen prexuízo dunha limitación maior recollida na etiqueta dos ditos produtos.

Estas franxas de protección estarán situadas na parcela agrícola ou serán contiguas a ela, de forma que os seus bordos longos sexan paralelos ao bordo da canle ou masa de auga e poderán estar constituídas por vexetación de ribeira.

Na franxa de protección en que non se aplicasen fertilizantes, non haberá produción agrícola, excepto no caso dos cultivos leñosos que xa estean implantados, xa que o arranque podería diminuír a protección das marxes. Poderá permitirse a sementeira de mesturas de flora silvestre, o pastoreo ou a sega, sempre que a franxa de protección siga sendo distinguible da terra agrícola contigua.

Nas ditas franxas poderanse realizar labores superficiais de mantemento, para evitar a proliferación de pragas e enfermidades que constitúan un risco sanitario para os cultivos adxacentes.



CVE-DOG: 1ubmt1r3-p8b8-ofh3-itz5-j4hloqyfv3h6



– BCAM 2. Cumprimento dos procesos de autorización do uso de auga para a rega.

Para as superficies de regadío o agricultor deberá acreditar o seu dereito de uso de auga de rega concedido pola Administración hidráulica competente.

– BCAM 3. Protección das augas subterráneas contra a contaminación: prohibición de verteduras directas nas augas subterráneas e medidas para previr a contaminación indirecta das augas subterráneas mediante a vertedura sobre o terreo e a filtración a través do solo de substancias perigosas, tal como se enumeran no anexo da Directiva 80/68/CEE do Consello, de 17 de decembro de 1979, relativa á protección das augas subterráneas contra a contaminación causada por determinadas substancias perigosas, na súa versión en vigor no seu derradeiro día de vixencia, na medida en que teña relación coa actividade agrícola.

Os agricultores non verterán de forma directa ou indirecta as substancias da lista I da Directiva 80/68/CEE do Consello, do 17 de decembro de 1979 (compostos órgano haloxenados e substancias que poidan orixinar compostos semellantes no medio acuático, compostos órgano fosforados, compostos orgánicos de estaño, substancias que posúan un poder canceríxeno, mutáxeno ou teratóxeno no medio acuático ou a través deste, mercurio e compostos de mercurio, cadmio e compostos de cadmio, aceites minerais e hidrocarburos e cianuros).

Os agricultores non verterán, a non ser que se obteña autorización, de forma directa ou indirecta, as substancias da lista II da Directiva 80/68/CEE do Consello, de 17 de decembro de 1979 (metaloides, determinados metais e os seus compostos, biocidas e os seus derivados que non figuren na lista I, substancias que teñan un efecto prexudicial no sabor e/ou cheiro das augas subterráneas, así como os compostos que poidan orixinar as ditas substancias nas augas, volvéndoas non aptas para o consumo humano, compostos orgánicos de silicio tóxicos ou persistentes e substancias que poidan orixinar os ditos compostos nas augas, salvo aqueles que sexan bioloxicamente inocuos ou que se transformen rapidamente na auga en substancias inocuas, compostos inorgánicos de fósforo elemental, fluoruros, amoníaco e nitritos).

2. Aspecto principal: solo e reserva de carbono.

– BCAM 4. Cobertura mínima do solo.

• Cultivos herbáceos. Nas parcelas agrícolas de secaño que se sementen con cultivos herbáceos de inverno, non se deberá labrar con volteo o solo, entre a data de recollida da



colleita anterior e o 1 de agosto, data que se establece como referencia do inicio da pre-sementeira.

- Cultivos leñosos. No caso de cultivos leñosos en pendente igual ou superior ao 15 %, salvo que a pendente real do recinto estea compensada mediante socalcos ou bancais, será necesario manter unha cuberta vexetal de longo mínimo de 1 metro nas rúas transversais á liña de máxima pendente ou nos corredores paralelos á dita liña, cando o deseño da parcela ou o sistema de rega impidan o seu establecemento noutra dirección.

Non obstante, no momento en que poida competir co cultivo ou imposibilite a súa recollida, a dita cuberta poderá eliminarse mediante métodos químicos ou mecánicos, e poderá ser incorporada mediante un labor superficial, respectando en todo caso o establecido no número relativo a cultivos leñosos da BCAM 5.

O disposto nos parágrafos anteriores non será de aplicación no caso de parcelas de cultivo de superficie igual ou inferior a unha hectárea, no caso de parcelas de cultivo irregulares ou alongadas cuxa dimensión mínima no sentido transversal á pendente sexa inferior a 100 metros en calquera punto da parcela e cando, por razóns de mantemento da actividade produtiva tradicional, a Administración competente determine e autorice aquelas técnicas de agricultura de conservación que se consideren adecuadas.

Non se poderá arrincar ningún pé de cultivos leñosos situados en recintos de pendente igual ou superior ao 15 por cento, agás nas zonas en que así se estableza e sexa obxecto de reposición autorizada pola autoridade competente.

Nestes casos hai que respectar as normas destinadas á súa reconversión cultural e varietal e aos cambios de cultivo ou aproveitamento.

O disposto nos parágrafos anteriores non será de aplicación cando a pendente real do recinto estea compensada mediante socalcos ou bancais.

- Terras de barbeito e terras sen cultivo. Realizaranse prácticas tradicionais de cultivo, prácticas de mínimo laboreo ou manterase unha cuberta vexetal adecuada, ben sexa espontánea ben mediante a sementeira de especies mellorantes.



As parcelas nas cales non se realice actividade agraria manteranse de acordo coas normas locais que regulen a dita situación.

– BCAM 5. Xestión mínima das terras que reflecta as condicións específicas locais para limitar a erosión.

- Cultivos herbáceos. Nas superficies que se destinen a cultivos herbáceos, non deberá labrarse con volteo a terra na dirección da máxima pendente cando, nos recintos cultivados, a pendente media exceda o 15 %, salvo que a pendente real do recinto estea compensada mediante socalcos ou bancais.

- Cultivos leñosos. En cultivos leñosos non deberá labrarse con volteo a favor da pendente a terra en recintos con pendentes superiores o 15 %, salvo que a pendente real do recinto estea compensada mediante socalcos ou bancais, se adopten formas especiais de cultivo como o cultivo en faixas, se practique labra mínima ou de conservación, ou se manteña unha cobertura de vexetación total do solo. No caso de existencia de bancais, será obrigatorio evitar calquera tipo de labor que afecten a estrutura dos noiros existentes.

O disposto nos parágrafos anteriores non será de aplicación no caso de parcelas de cultivo de superficie igual ou inferior a unha hectárea, no caso de parcelas de cultivo irregulares ou alongadas cuxa dimensión mínima no sentido transversal á pendente sexa inferior a 100 metros en calquera punto da parcela e cando, por razóns de mantemento da actividade produtiva tradicional, a Administración competente determine e autorice aquelas técnicas de agricultura de conservación que se consideren adecuadas. En todos os supostos, a implantación do cultivo farase o máis rapidamente posible, para evitar que o solo se poida verse afectado pola erosión.

– BCAM 6. Mantemento do nivel de materia orgánica no solo mediante prácticas adecuadas, incluída a prohibición de queimar os restollos, excepto por razóns fitosanitarias.

Non poderán queimarse restollos en todo o ámbito nacional, salvo que, por razóns fitosanitarias, a queima estea autorizada pola autoridade competente, en que caso estará condicionada ao cumprimento das normas establecidas en materia de prevención de



incendios e, en particular, as relativas ao largo mínimo dunha franxa perimetral cando os terreos linden con terreos forestais.

Cando se eliminen restos de colleita de cultivos herbáceos e de poda de cultivos leñosos deberá realizarse, se é o caso, consonte a normativa establecida.

3. Aspecto principal: paisaxe, nivel mínimo de mantemento.

– BCAM 7. Mantemento das particularidades topográficas e prohibición de cortar sebes e árbores durante a temporada de cría e reprodución das aves.


Non se poderá efectuar unha alteración das particularidades topográficas ou elementos da paisaxe definidos no artigo 2 do Real decreto 1078/2014, do 19 de decembro, polo que se establecen as normas da condicionalidade que deben cumprir os beneficiarios que reciban pagamentos directos, determinadas primas anuais de desenvolvemento rural, ou pagamentos en virtude de determinados programas de apoio ao sector vitivinícola, salvo no caso de contar con autorización expresa da autoridade competente.

Non obstante, tendo en conta que os elementos da paisaxe protexidos formarán parte da superficie admisible da parcela agrícola na cal estean situados, considérase necesario definir o marco de aplicación e control desta norma para algúns elementos, polo que se establecen os seguintes límites máximos.

- Sebes de largo de ata 10 m.
- Árbores en grupos que ocupen unha superficie máxima de 0,3 ha.
- Lindes de largo de ata 10 metros.
- Charcas, lagoas, estanques e bebedoiros naturais de ata un máximo de 0,1 ha. Non se considerarán os depósitos de cemento ou de plástico.
- Illas e enclaves de vexetación natural ou rocha: ata un máximo de 0,1 ha.



– Socalcos de largo, en proxección horizontal, de ata 10 metros.



Non obstante o anterior, queda prohibido cortar tanto sebes coma árbores durante a temporada de cría e reprodución das aves, salvo autorización expresa da autoridade medioambiental. Tomarase como referencia o período comprendido entre os meses de marzo a xullo.

Exceptúanse da obriga establecida no primeiro parágrafo, a construción de paradas para corrección de corgos, regueiros e bancais, así como as operacións de refinación de terras que se realicen naquelas parcelas que se vaian dedicar ao cultivo do arroz e outros de regadío.

ANEXO VIII

Especies e razas autóctonas en perigo de extinción

Especie	Raza	Organismo responsable da xestión do libro xenealóxico
Bovino	Cachena	Asociación de Criadores da Raza Cachena (Cachega)
	Caldelá	Asociación de Criadores da Raza Caldelá (Caldega)
	Frieiresa	Asociación de Criadores da Raza Frieiresa (Frieirega)
	Limiá	Asociación de Criadores da Raza Limiá (Limiaga)
	Vianesa	Asociación de Criadores da Raza Vianesa (Vianega)
Ovino	Galega	Asociación de Criadores da Raza Ovella Galega (Asovega)
Cabrún	Galega	Asociación de Gandeiros de Cabra Galega (Capriga)
Equino	Cabalo de pura raza galega	Asociación de Criadores de Cabalo de Pura Raza Galega (Puraga)
Porcino	Celta	Asociación de Criadores de Gando Porcino Celta (Asoporcel)
Aves	Galiña de Mos	Asociación de Avicultores da Raza Galiña de Mos (Avimos)





ANEXO IX

Correlación da liña de base cos compromisos

Agroambiente e clima.

Compromiso agroambiental	Obxectivo ambiental	Liña base		Outra normativa estatal ou autonómica
		BCAM	RLX	
Compromisos comúns a ambas primas de «Manexo sustentable de pastos»: «Xestión sustentable de pastos» e «Extensificación do vacún de leite»				
Dispoñer dun mínimo de 10 ha de superficie forraxeira indemnizable.	Os beneficios ambientais que se perseguen con esta submedida melloran se a superficie xestionada de acordo cos compromisos acada unha dimensión suficiente.	Ningún	Ningún	Ningún
Manter unha carga gandeira entre 0,7 e 2 UGM/ha.	Coa carga gandeira que se establece lograrase un efecto positivo da extensificación sobre o solo, auga, clima, etc., e ademais facilítase un aproveitamento suficiente dos pastos.	Ningún	Ningún	Ningún
Manter a superficie forraxeira comprometida durante os anos que dure o compromiso, tendo en conta a tolerancia e casuísticas.	Os beneficios ambientais e paisaxísticos que se perseguen con esta submedida só se acadan adecuadamente se a superficie xestionada de acordo cos compromisos establecidos é suficientemente representativa e se mantén.	Ningún	Ningún	Ningún
Nas superficies da explotación con pendentes > 10% non se implantarán cultivos, excepto pradarias ou rexeneración de pasto.	Evitar a erosión e favorecer o efecto ambiental de captura de carbono dos pastos.	BCAM 5 «Xestión mínima das terras que reflicta as condicións específicas locais para limitar a erosión». Os aspectos que hai que verificar son os seguintes: <ul style="list-style-type: none"> • Cultivos herbáceos. Nas superficies que se destinen a cultivos herbáceos, non se deberá labrar a terra con volteo na dirección da máxima pendente cando, nos recintos cultivados, a pendente media exceda o 15 %, salvo que a pendente real do recinto estea compensada mediante socalcos ou bancais. 	Ningún	Ningún



Compromiso agroambiental	Obxectivo ambiental	Liña base		Outra normativa estatal ou autonómica
		BCAM	RLX	
		<ul style="list-style-type: none"> • Cultivos leñosos. En cultivos leñosos non deberá labrarse a terra con volteo a favor da pendente en recintos con pendentes superiores o 15 %, salvo que a pendente real do recinto estea compensada mediante socalcos ou bancais, se adopten formas especiais de cultivo como o cultivo en faixas, se practique laboreo mínimo ou de conservación, ou se manteña unha cobertura de vexetación total do solo. No caso de existencia de bancais, será obrigatorio evitar calquera tipo de labores que afecten a estrutura dos noiros existentes. • O disposto nos parágrafos anteriores non será de aplicación no caso de parcelas de cultivo de superficie igual ou inferior a unha hectárea, no caso de parcelas de cultivo irregulares ou alongadas cuxa dimensión mínima no sentido transversal á pendente sexa inferior a 100 metros en calquera punto da parcela e cando, por razóns de mantemento da actividade produtiva tradicional a Administración competente determine e autorice aquelas técnicas de agricultura de conservación que se consideren axeitadas. En todos os supostos, a implantación do cultivo farase o máis rapidamente posible, para evitar que o solo se poida ver afectado pola erosión. 		
Caderno de explotación co rexistro das actuacións de pastoreo.	A anotación das prácticas de pastoreo contribúe á verificabilidade e controlabilidade do compromiso.	Ningún	Ningún	Ningún
Compromisos específicos da prima de «Xestión sustentable de pastos»				
A superficie de millo e outros cultivos forraxeiros (distintos dos prados de menos de 5 anos) é menor ou igual ao 20 % da superficie forraxeira da explotación.	A intensificación das producións gandeiras comporta unha elevada produción de gases efecto invernadoiro debido ao maior consumo de combustibles e ao transporte dos alimentos para o gando que se reducen cando se aplica o pastoreo. O feito de que a maioría da superficie forraxeira da explotación sexa de pastos contribúe a previr a erosión, promove o secuestro de carbono polos pastos permanentes, etc.	Ningún	Ningún	Ningún



Compromiso agroambiental	Obxectivo ambiental	Liña base		Outra normativa estatal ou autonómica
		BCAM	RLX	
Realizar o pastoreo en polo menos o 70 % da superficie de prados e pastos permanentes da explotación.	O manexo do pastoreo cunha carga gandeira adecuada é unha práctica sustentable que permite o aproveitamento dos pastos e simultaneamente evita a súa deteriorización.	Ningún	Ningún	Ningún
Compromisos específicos da prima de «Extensificación do vacún de leite»				
UGM vacún leite > 12 meses son polo menos o 70 % do total de UGM da explotación.	As explotacións de vacún de leite tenden a modelos intensivos que faciliten o manexo da reprodución e a muxidura entre outros labores.	Ningún	Ningún	Ningún
A superficie de millo e outros cultivos forraxeiros (distintos dos prados de menos de 5 anos) é menor ou igual ao 25 % da superficie forraxeira da explotación (excluíndo o pasto arbustivo e o pasto arborado).	O millo é o principal cultivo das explotacións de vacún de leite de Galicia. Ao limitar a superficie de millo e outros cultivos forraxeiros conséguese unha importante redución do uso de fitosanitarios (herbicidas e insecticidas), e ao mesmo tempo promóvese unha notable extensificación da produción.	Ningún	Ningún	Ningún
Practicar o pastoreo con vacas en polo menos o 50 % da superficie de prados da explotación.	O manexo do pastoreo cunha carga gandeira adecuada é unha práctica sustentable que permite o aproveitamento dos pastos e evita a súa deteriorización. O pastoreo de vacún de leite é moi exixente en man de obra pero achega vantaxes ambientais importantes en canto a menores emisións de GEI.	Ningún	Ningún	Ningún



Compromiso agroambiental	Obxectivo ambiental	Liña base		Outra normativa estatal ou autonómica
		BCAM	RLX	
Compromisos en razas autóctonas en perigo de extinción				
Dispoñer de máis de 5 UGM primables dunha ou varias das razas autóctonas en perigo de extinción.	Os obxectivos da submedida logranse de forma máis eficiente exixindo este compromiso.	Ningún	Ningún	Ningún
Cando se trate de especies de ovino, cabrún, equino ou bovino, manter unha carga gandeira entre 0,7 e 2UGM/ha	Trátase de aproveitar as aptitudes destes animais para utilizar os recursos forraxeiros logrando unha adecuada conservación dos pastos.	Ningún	Ningún	Ningún
Manter, como mínimo, as UGM primables comprometidas de razas autóctonas en perigo de extinción durante os anos que dura o compromiso.	Fomentar o mantemento e o aumento dos censos destas razas nas explotacións agrarias. Ao estar inscritos no libro xenealóxico da raza garántese a súa pureza racial.	Ningún	Ningún	Ningún
Participar no programa de mellora xenética da raza.	O programa de mellora é un conxunto de actuacións orientadas á conservación, mellora e/ou fomento da raza correspondente.	Ningún	Ningún	Ningún
Compromisos apicultura para a conservación da biodiversidade en zonas con limitacións naturais				
Manter un mínimo de 100 colmeas localizadas en concellos de Galicia designados como zonas con limitacións naturais e distribuídas polo menos en dúas alvarizas.	Conservación da biodiversidade e contribución á paisaxe pola mellora da variedade de especies vexetais mediante o fomento da apicultura nas zonas con maiores limitacións naturais nas cales é menos frecuente a presenza do home e as actividades asociadas como a apicultura.	Ningún	Ningún	Ningún
Manter, como mínimo, as colmeas comprometidas durante os anos que dura o compromiso. Consideraranse comprometidas un máximo de 80 colmeas/alvariza.	Manter o efecto beneficioso que se persegue durante a duración do compromiso.	Ningún	Ningún	Ningún
A distancia entre as alvarizas do mesmo beneficiario será polo menos de 1 km.	Ao establecer unha distancia mínima entre alvarizas do mesmo apicultor maximízase o efecto polinizador das súas abellas.	Ningún	Ningún	Ningún



Agricultura ecolóxica.

Compromiso	Obxectivo ambiental	Liña base		
		BCAM	RLX	Outra normativa
Compromisos comúns				
Empregar as técnicas de produción establecidas no Regulamento (CE) 834/2007 e demais normativa de aplicación.	O emprego destas técnicas de produción garante a consecución do obxectivo que se persegue.	Ningún	Ningún	<p>Real decreto 1311/2012, do 14 de setembro, polo que se establece o marco de actuación para conseguir un uso sustentable dos produtos fitosanitarios:</p> <ol style="list-style-type: none"> 1. A xestión de pragas dos vexetais realizarase tendo en conta os principios xerais da xestión integrada de pragas establecidos no anexo I do citado real decreto, que sexan aplicables en cada momento e para cada tipo de xestión de pragas. 2. A xestión de pragas realizarase asistida dun aconsellamento, excepto no caso das producións ou tipos de explotacións consideradas de baixa utilización de produtos fitosanitarios de acordo co artigo 10.3 do citado real decreto, caso en que será voluntario. 3. As explotacións exentas da obriga de aconsellamento terán á súa disposición as Guías de xestión integrada de pragas aprobadas polo Ministerio de Agricultura, Alimentación e Medio Ambiente para facilitar o cumprimento dos principios da xestión integrada de pragas. 4. A partir do 26 de novembro de 2015, os usuarios profesionais de produtos fitosanitarios deberán estar en posesión do carné que acredite coñecementos adecuados para exercer a actividade, así como estar inscritos na correspondente sección do Rexistro Oficial de Produtores e Operadores de Medios de Defensa Fitosanitaria (ROPO). 5. Prohíbense as aplicacións aéreas de produtos fitosanitarios, salvo no caso de que sexan autorizadas polo órgano competente da Comunidade Autónoma, ou promovidas pola propia Administración para o control de pragas declaradas de utilidade pública ou por razóns de emerxencia. En calquera caso, é condición para a súa realización que non se dispoña dunha alternativa técnica e economicamente viable, ou que as existentes presenten desvantaxes en termos de impacto na saúde humana ou o ambiente. 6. Tomaranse todas as medidas necesarias para evitar a contaminación das masas de auga e da auga potable, tal e como se establece no artigo 31, 32 e 33 do citado real decreto. 7. Respetaranse as prácticas obrigatorias para a manipulación e almacenamento dos produtos fitosanitarios, envases e restos recollidas no capítulo IX do citado real decreto. 8. En virtude do Real decreto 1702/2011, do 18 de novembro, de inspeccións periódicas dos equipamentos de aplicación de produtos fitosanitarios, os equipamentos de aplicación dentro do ámbito de aplicación do citado real decreto, segundo o artigo 3 seu, deberán estar inscritos no Rexistro Oficial de Maquinaria Agrícola (ROMA) ou no censo de equipamentos que se deben inspeccionar elaborado polos órganos competentes das comunidades autónomas.



Compromiso	Obxectivo ambiental	Liña base		
		BCAM	RLX	Outra normativa
Estar inscrito no correspondente rexistro de operadores de agricultura ecolóxica.	Este compromiso é fundamental para garantir o respecto das técnicas de produción da agricultura ecolóxica.	Ningún	Ningún	Ningún
Obter a certificación da produción agraria como ecolóxica, de acordo co Regulamento (CE) 834/2007.	Este compromiso é fundamental para garantir o respecto das técnicas de produción da agricultura ecolóxica.	Ningún	Ningún	Ningún
Manter o caderno de explotación exixido en agricultura ecolóxica para efectos dun control das producións.	A anotación das actuacións de produción permite un maior control das actuacións en cada parcela.	Ningún	Ningún	Manter actualizado o rexistro de tratamentos fitosanitarios, de acordo co establecido no artigo 16 do Real decreto 1311/2012, do 14 de setembro e nos artigos 3 e 4 da Orde APA/326/2007, do 9 de febreiro.
Compromisos específicos para agricultura ecolóxica				
Manter a superficie agrícola suxeita a esta submedida durante os anos que dure o compromiso, tendo en conta a tolerancia e casuísticas establecidas.	Os beneficios ambientais que se perseguen con esta submedida só se logran de forma adecuada se a superficie xestionada de acordo cos compromisos se mantén.	Ningún	Ningún	Ningún
Compromisos específicos para gandaría ecolóxica				
Manter a superficie agrícola suxeita a esta submedida durante os anos que dure o compromiso, tendo en conta a tolerancia e casuísticas establecidas.	Os beneficios ambientais que se perseguen con esta submedida só se logran de forma adecuada se a superficie xestionada de acordo cos compromisos se mantén.	Ningún	Ningún	Ningún
Compromisos específicos para apicultura ecolóxica				
Manter, como mínimo, as colmeas comprometidas durante os anos que dura o compromiso. Para estes efectos consideraranse comprometidas un máximo de 80 colmeas por alvariza.	Manter o efecto beneficioso que se persegue durante a duración do compromiso.	Ningún	Ningún	Ningún
En caso de dispoñer de varias alvarizas, a distancia entre os alvarizas do mesmo beneficiario será polo menos de 1 km.	Ao establecer unha distancia mínima entre alvarizas do mesmo apicultor maximízase o efecto polinizador das súas abellas.	Ningún	Ningún	Ningún

ANEXO X

Informe e ficheiro informático que deben remitir as entidades de aconsellamento

Informe:

..... con NIF
actuando en representación da entidade con NIF...
.....e domicilio en, inscrita
no Rexistro de Entidades de Aconsellamento e Xestión de Galicia (Resaxega), co número
de rexistro.....

INFORMA:

Que no ficheiro denominado inclúese unha relación de solici-
tantes das axudas de agroambiente e clima e/ou agricultura ecolóxica que actualmente
reciben un aconsellamento especializado en materia de compromisos por persoal técnico
desta entidade.

Que para cubrir a solicitude única deste ano se lles prestou aconsellamento sobre os
requisitos e condicións de elixibilidade, compromisos, liñas de base e condicionalidade
aplicables ás axudas solicitadas.

Que durante o ano en curso se visitaron as explotacións destes aconsellados e se exis-
tían deficiencias nos seus elementos (superficies, animais, instalacións, etc.) para efectos
das axudas solicitadas, fixéronse as oportunas recomendacións para a súa mellora ou
emenda entregando os correspondentes informes aos aconsellados.

..... de de 201.....

**Datos que conterà o ficheiro informático cos solicitantes que indican na
súa solicitude única a cada entidade de aconsellamento**

O ficheiro informático de intercambio coas entidades de aconsellamento terá formato
Access, en calquera das súas versións e incluírá os seguintes campos:

A) Identificación da entidade de aconsellamento:

1. Razón social ou nome e apelidos.
2. NIF.
3. Nº de inscrición no Resaxega.



B) Identificación dos solicitantes que indican na súa solicitude única a esa entidade de aconsellamento:

1. Razón social ou nome e apelidos.
2. NIF.
3. Nº da solicitude de pagamento da campaña.
4. Actualmente recibe aconsellamento desa entidade (S/N).

ANEXO XI

Contido mínimo dos cadernos de explotación

A. Xestión sustentable de pastos e extensificación do vacún de leite.

• Datos xerais da explotación:

- Nome e apelidos/Razón social do titular da explotación.
- NIF.
- Rega¹.
- Coordenadas UTM Rega.
- Enderezo.
- Concello.
- Código postal.
- Provincia.
- Teléfono fixo.
- Teléfono móbil.
- Correo electrónico.



– Datos do representante (se é distinto do titular):

- Nome e apelidos.

- NIF.

- Teléfono de contacto.

- Correo electrónico.

• Datos da entidade de aconsellamento:

– Razón social.

– NIF.

– Número de inscrición en Resaxega.

– Correo electrónico.

– Nome e apelidos do técnico responsable da explotación.

– NIF.

– Teléfono contacto do técnico.

• Identificación das parcelas da explotación:

– Nº de orde.

– Nº de parcela agrícola².

– Referencias Sixpac actualizadas para a campaña correspondente.

– Nome do predio.

– Produto.

– Variedade, de ser o caso.



- Superficie declarada (en hectáreas con dous decimais).
- Superficie neta declarada de pastos (en hectáreas con dous decimais).
- Actividade agraria.
- Aproveitamento forraxeiro (S/N).
- Rexistro de pastoreo:
 - Rexistro diario das actuacións de pastoreo:
 - Número de parcela agrícola.
 - Nome do predio.
 - Superficie declarada (en hectáreas con dous decimais).
 - Mes.
 - Día do mes.
 - Resumo anual do rexistro de pastoreo actualizado trimestralmente:
 - Número de parcela agrícola.
 - Nome do predio.
 - Mes.
 - Indicador de pastoreo (S/N).
- Rexistro de visitas:
 - Nome controlador da Administración/técnico da entidade de aconsellamento.
 - Entidade: unidade ou organismo da Consellería do Medio Rural ou entidade de aconsellamento.
 - Data da visita.



– Motivo.

– Sinatura.

1. Indicaranse os datos de todos os Rega de que sexa titular.

2 Superficie de terra continua, declarada por un único agricultor e dedicada a un mesmo cultivo.

B. Agricultura ecolóxica.

• Datos xerais da explotación:

– Nome e apelidos/razón social do titular da explotación.

– NIF.

– Rega/Reaga¹.

– Coordenadas UTM Rega.

– Enderezo.

– Concello.

– Código postal.

– Provincia.

– Teléfono fixo.

– Teléfono móbil.

– Correo electrónico.

– Datos do representante (se é distinto do titular):

- Nome e apelidos.

- NIF.

- Teléfono de contacto.

- Correo electrónico.



- Datos da entidade de aconsellamento:
 - Razón social.
 - NIF.
 - Número de inscrición en Resaxega.
 - Correo electrónico.
 - Nome e apelidos do técnico responsable da explotación.
 - NIF.
 - Teléfono contacto do técnico.
- Identificación das parcelas da explotación:
 - N° de orde.
 - N° de parcela agrícola².
 - Referencias Sixpac actualizadas para a campaña correspondente.
 - Nome do predio.
 - Produto.
 - Variedade, de ser o caso.
 - Superficie declarada (en hectáreas con dous decimais).
 - Superficie neta declarada de pastos (en hectáreas con dous decimais).
 - Actividade agraria.
 - Aproveitamento forraxeiro (S/N).
 - Producción ecolóxica (S/N).



- Período de conversión (de ser o caso, data en que finaliza).
- Marco de plantación.
- Data plantación.
- Data colleita.
- Produción obtida.
- Rexistro de pastoreo (para explotacións gandeiras):
 - Rexistro diario das actuacións de pastoreo:
 - Número de parcela agrícola.
 - Nome do predio.
 - Superficie declarada (en hectáreas con dous decimais).
 - Mes.
 - Día do mes.
 - Resumo anual do rexistro de pastoreo actualizado trimestralmente:
 - Número de parcela agrícola.
 - Nome do predio.
 - Mes.
 - Indicador de pastoreo (S/N).
- Calendario de accións de cultivo:
 - Número de parcela agrícola.
 - Data.



- Acción.

- Produto empregado.

- Dose.

- Prazo de seguridade.

- Xustificación técnica e condicións de uso.

- Alimentación:
 - Período de aplicación da ración:
 - Tipo de alimento.
 - Ecolóxico, conversión ou convencional.
 - Porcentaxe na ración.

 - Período de acceso aos currais.

 - Período de transhumancia.

- Operacións zootécnicas:
 - Operación.

 - Data.

 - Autorización.

 - Xustificación.

- Rexistro de entradas de insumos:
 - Data.

 - Produto.



- Ecolóxico, conversión ou convencional.
- Envase.
- Cantidade.
- Nome comercial.
- Nº volante circulación.
- Nº factura/albará.
- Rexistro saída de produtos:
 - Data.
 - Produto.
 - Ecolóxico, conversión ou convencional.
 - Envase.
 - Cantidade.
 - Nome comercial.
 - Nº volante circulación.
 - Nº factura/albará.
- Rexistro de visitas:
 - Nome do controlador da Administración/técnico da entidade de aconsellamento.
 - Entidade: unidade ou organismo da Consellería do Medio Rural ou entidade de aconsellamento.
 - Data da visita.
 - Motivo.
 - Sinatura.



1. Indicaranse os datos de todos os Rega de que sexa titular.
2. Superficie de terra continua, declarada por un único agricultor e dedicada a un mesmo cultivo.

Na parte final deses modelos deberase engadir un rexistro de visitas co seguinte contido:

- Nome do controlador da Administración/técnico da entidade de aconsellamento.
- Entidade: unidade ou organismo da Consellería do Medio Rural ou entidade de aconsellamento.
- Data da visita.
- Motivo.
- Sinatura.

ANEXO XII

Declaración doutras axudas

A persoa solicitante ou representante declara

Que en relación con outras axudas concedidas ou solicitadas:

- Non se solicitou nin se concedeu ningunha outra axuda para este mesmo proxecto e conceptos para os cales se solicita esta subvención.
- Si se solicitaron e/ou concederon outras axudas para este mesmo proxecto e conceptos para os cales se solicita esta subvención, que son as que a seguir se relacionan:

Organismo	Importe (€)

Sinatura

Lugar e data





XUNTA DE GALICIA
CONSELLERÍA DO MEDIO RURAL

ANEXO XIII

PROCEDEMENTO RECOÑECEMENTO COMO ENTIDADE COLABORADORA	CÓDIGO DO PROCEDEMENTO MR2390	DOCUMENTO SOLICITUDE
---	---	--------------------------------

DATOS DA ENTIDADE SOLICITANTE

RAZÓN SOCIAL NIF

TIPO DE VÍA NOME DA VÍA NÚMERO BLOQUE ANDAR PORTA

PARROQUIA LUGAR

CP PROVINCIA CONCELLO LOCALIDADE

TELÉFONO FAX CORREO ELECTRÓNICO

E, NA SÚA REPRESENTACIÓN (deberá acreditarse a representación fidedigna por calquera medio válido en dereito)

NOME PRIMEIRO APELIDO SEGUNDO APELIDO NIF

ENDEREZO PARA EFECTOS DE NOTIFICACIÓN (non é necesario se coincide co anterior)

TIPO DE VÍA NOME DA VÍA NÚMERO BLOQUE ANDAR PORTA

PARROQUIA LUGAR

CP PROVINCIA CONCELLO LOCALIDADE

TELÉFONO FAX CORREO ELECTRÓNICO

A PERSOA REPRESENTANTE DECLARA

- Que todos os datos contidos nesta solicitude son certos.
- Dispoñer de persoal cualificado para prestar o asesoramento no ámbito da solicitude única de axudas da PAC.
- Dispoñer de medios para o tratamento informático das solicitudes a través do programa de captura facilitado polo Fondo Galego de Garantía Agraria.
- Dispoñer de certificado dixital de usuario da entidade con sinatura electrónica avanzada para a realización do rexistro electrónico das solicitudes presentadas a través da dita entidade.
- Cumprir o disposto no artigo 10.2 e 10.3 da Lei 9/2007, do 13 de xuño, de subvencións de Galicia.


En cumprimento do disposto no artigo 5 da Lei orgánica 15/1999, do 13 de decembro, de protección de datos de carácter persoal, infórmaselle de que os datos persoais que facilite neste formulario quedarán rexistrados nun ficheiro de titularidade da Xunta de Galicia co obxecto de xestionar o presente procedemento. A persoa interesada poderá exercer os dereitos de acceso, rectificación, cancelación e oposición ante a Secretaría do Fondo Galego de Garantía Agraria (Fogga), como responsable do ficheiro, solicitándoo mediante o envío dun correo electrónico a dereitosarco.fogga@xunta.es.

LEXISLACIÓN APLICABLE


Orde do 29 de xaneiro de 2016 pola que se regula a aplicación dos pagamentos directos á agricultura e á gandaría e das axudas ao desenvolvemento rural suxeitas ao Sistema integrado de xestión e control.

SINATURA DA PERSOA REPRESENTANTE

Lugar e data , de de



Fondo Galego de Garantía Agraria

 SEDE ELECTRÓNICA Este formulario tamén pode presentarse electronicamente na sede electrónica da Xunta de Galicia <https://sede.xunta.es>

CVE-DOG: 1ubmt1r3-p8b8-ofn3-itz5-j4hloqyvtv3h6



XUNTA DE GALICIA

ISSN1130-9229

Depósito legal C.494-1998

<http://www.xunta.es/diario-oficial-galicia>